



07156

雲月詩集

後學北山僧圓悟

唐

漢



游北澗詩集

唐栖 釋永頤

由老

越溪吟

石磊磊猿啾啾越王霸業秋
山頭英雄喪盡知何數可
怪猶存浣紗處當時月照清溪頭
美人如水逐東流至
今片石終難改千載猶含澤國羞

詠懷

晨風蕩原野高林摩蒼條
屋上野花落堦前春草搖
少壯不可恃金骨亦易銷
夙志歎沈湮晚心日幽寥
紫煙凌石峯綠雲生桂標
林懷頗清暢況復靈景饒

食新茶

雲泉詩稿

自回山中來泉石足幽弄
茶經猶挂壁庭草積已衆
拜先俄食新香凝雲乳動
心開神宇泰境豁謝幽夢
至味延冥遐靈爽脫塵控
靜語生雲雷逸想超鸞鳳
飽此巖壑眞清風願遐送

雨後對月

清夜不復寐蕭然據胡牀
對此九天上陰魄含虛光
光飛激洞戶彩瑩棲雲塘
芙蓉雜羽蓋暗水流瑤芳
景異沈昔夢心定聞空香
不知孤寂身尙此山水鄉

秋日汎西湖

水涼宜照影與客上湖船
白浪翻紅楫青山映碧蓮
鳥飛荷葉下人散柳條邊
煙蓋歸來晚燈前鶴未眠

久雨

山房十日雨仰棟看行蝸筍暗風庭竹蒼凝晚砌花罌
紅留夕火焙綠薦春芽滴滴西窗下清泉滿石窪

秋初憶湖上諸山

山中夏日足幽娛葛坡藤牀誦寶書白拂惹雲黏几案
清香綠竹上空虛草堂夜月秋花近水閣晨霞夕靄疎
遙憶錢唐舊朝寺繞湖鐘梵早涼初

雪中夜吟

亂書塵席散清輝竹院香凝宿火微客去薜堦黏凍屐
鳥迷庭樹入寒扉重陰覆野春耕闌列炬明山夜獵歸
燈下老翁吟復聽斷崖冰折碎聲稀

山村日暮

雲泉詩稿

二

犢背斜陽暖茅茨石樹穿行人識岡路飢鵲噪沙田遠
浦生微月荒臯起暝煙羣鳥飛散盡寒水漾漁船

山中晚興

松閒石上聽流泉看盡雲歸宿鳥還夕殿焚香春院閉
暮鐘沈響月堦閒非干獨往輕遺世自合離羣靜掩關
林境翠深煙樹合正堪高臥縱疎頑

唐栖寺前

唐栖寺前溪水流客帆來往舊杭州津亭樹老無人記
得見幾回僧白頭

觀烏鳶山下藤樹

一株老樹蔽荒林下有藤懸巨蟒身幾度日斜烏鳥散
山昏鬼哭斷行人

金鵝晚眺

天低野曠樹濛濛盡入金鵝望眼中青嶂月生雙雁去
碧溪雲繞亂帆通平篙落照沈煙墅結陣寒雅噪暝叢
歲月飛騰吾懶矣昏鐘迢遞起秋宮

送僧歸苜徑

吳渚僧歸落日曛故王宮井已無聞水邊尙有紅藍草
不染香衣染塹雲

牽牛花

老梅枝上掛牽牛引得青花上樹頭秋圃日斜風露冷

雲泉詩稿

三

倒垂長蔓拂鳴鳩

和韓澗泉韻題周晉仙山楹

不翦亦不斲山楹在塵表石泉聲淙淙秀谷自圍繞是
中元覽人未見今日了君固自無心世亦不易曉夢翼
何可攀頽然泰山小當時巖壑人百世何矯矯清吟振
霞纓日翳羣陰悄

過吳門

故苑煙花百草香五湖人去事茫茫浮雲幾度春陰合
猶見西山白鷺行

花落春江一夜風滿江煙碧撼垂虹輕舟浮載如天上
況是殘雲細雨中

澤國迷春漲芳洲生綠波淨涵汀樹小閒占浦雲多風
晚低輕燕川明媚浴鵝望人煙思遠柰此暮山何

雪 雪中送僧還竹閣

白公竹閣雲生晚城市人歸夜雪平燈在北高峰頂上
塔如千尺玉長檠

湖練平鋪肅夜濤柳翻王母白旌旄舞殘鷺歸何處
天上飛花散碧桃

山樂官寄野齋 野齋周晉
仙自號

山樂官山樂官爾爲靈鳳典音樂想爾廢職來考槃莫
厭山中多寂寞山中無事忘憂樂曉窗睡起春晝靜聽

雲泉詩稿

四

爾幽情如有託山樂官山樂官縱令致汝百鳥前此聲
此曲終難傳

往龍岫舟中

龍山溪上路短棹臘中行雪霽寒郊鬧春回宿霧生柳
搖冰綫斷鷺起玉衣明未見晴梅發先思杖屨輕

歸練潭

孤舟東下涉蘋溪兩岸幽花送客西到得山房綠陰滿
午窗猶有子規啼

次韻答周伯弼信後見寄

清茶相對飲山巵憶在西峰寺裏時今日雲深無好伴
澗松獨看掛援枝

寄周宗聖

我心如有失曾未識南園幾見閒花落頻將好夢原時
賢多厚祿君子尙衡門詩卷逢僧寄長吟落照村

遊何山登道場

中流望極山頭寺溪午聞鐘泊柳津春草細露微雨潤
老松高與碧虛鄰鶴歸煙麓書堂廢虎去寒巖蘚石皴
無柰薄遊歸路晚水邊風旆溼征塵

友人銅雀臺硯

異物留傳因好古南來篋笥伴瑤琴漳河流水去無已
魏主荒臺久廢沈往日姦文須九錫今朝片瓦尙千金
所嗟人事多浮偽誰識河濱古舜心

雲泉詩稿

五

過聚景園

路遠長堤萬柳斜年年春草待香車君王不宴芳春酒
空鎖名園日暮花

宿村莊

螻蛄偷火照田溝山鬼移燈上樹頭楓岸夜深茅屋閉
月明沙鳥自相謳

伯弼出示新題樂府四十章雄深雅健有長吉之

風喜而有詠

偉哉吳人周伯弼國風雅頌今再昌鈞天洞庭不敢張
楚竿暗泣嗟窮湘慶祚三百多禎祥嗚呼四十樂府章
春宵翦燭飛蘭香浩歌激烈聲洋洋貞魂義血流精光

姦鬼妬魄詠幽荒
土木閃怪踏雪僵
茫茫萬竅塞鼓簧
再洗律呂調宮商
金玉振耀齊鏗鏘
一清一濁均陰陽
風霆變化始有常
詠歌唐虞及商湯
矇瞽獻納皆贊襄
煌煌天子朝明堂
永被金石無哀傷

西峰日暮

手攜一束書
秋風獨來此
松深夜月清
水冷芙蓉死
嬾於簷下讀
兩眼懸秋水
時看漏鼠來
食我山茶子

老梅

一度開花一度新
莫嫌終老舊
花身文君頭
白空銜怨不及枝閒碧
蘚春

聞子規

雲泉詩稿

六

客情誰是不思歸
芳草春深未有期
昨夜月明啼更苦
山花滿樹落臙脂

送王以通之官金陵

芳辰早失意兼衰
不擬君來重舉杯
雲暗月牆花氣重
蠟殘風幕鳥聲催
醉鄉人有江東役
乘輿船從闕下回
明日沙頭相送罷
茶蘼小院獨徘徊
伯符兄弟最英雄
千載青山繞故宮
宋祖只知曹馬事
齊高還與獍梟同
暮簫尙帶蘭陵怨
春水多愁舊壘空
登覽未應迷宿昔
夜猿啼在晉時楓

湖上春晚

水邊三月芳菲晚
楊柳樓船擁萬家
浩浩歌鐘迷白日

不知煙寺落桐花

龍山野望

聞說西潘桑柘少舊來多種紫櫻桃
龍山春晚聊舒望
雪白梨花一丈高

雲巖寺

老來好古尙關心寺裏荒題幾度尋
山鵲報晴窺畫閣
水雞嫌雨上高林
麥殘餘冷收春候
棟落輕風滯晚陰
無限幽懷難具寫一憑欄罷一閒吟

秋日與知言學士

水落小山浮山人上下游月崖煙桂晚風浦
石蘭秋食
芟漁溪宿烹葵野館留肩吾相對坐清話
不知休

雲泉詩稿

七

後谷春晚

煙冷雲深燕不歸徑多松葉少花枝
春風過盡無行客
白晝山獐飲石池

姚震父自剡來喜晴郊行

梅發春江棹綠波越鄉纔離認吳歌
尋花戴帽誰家去
載酒移船與客過
廢館夕陽寒柳動
古宮芳草白雲多
山行每是清晨出歸路牛羊下遠坡

遊雪城寄輝明遠

老來嘗上經過少不復虛堂拜皎然
窺廟野童驚古像
拊碑山客慕先賢
雨多亂水穿城過
日上蒼山繞郡連
隔港木蘭搖客棹
浦荷香散碧雲天

題壁

春來日日風兼雨，開戶晴軒長翠蘿。
山鶻弄花飛不遠，隔檐衝散落梅多。

杉下聾僧

殿陰古杉高百尺，蒼弁虬髯森澱漆。
林深化蝶粉光冷，威鳳飄颻感仙實。
旁有聾僧喚不聞，囁囁枯吟如有失。
或時兀坐何堆豗，或時手把古書帙。
帙中明星不復記，案上吟篇已亡律。
居山六月不知暑，地涼豔草生幽苾。
茶竈泥崩古蘚黏，石盆仰地蓮花出。
山童晝睡靠其旁，袴如盤絡不掩膝。
僧今老矣無別懷，時夢響潭清汨汨。
終當卜室居，其偏坐看蜿蜒舞清溢。

雲泉詩稿

八

贈術者王髯

王君僧服而胡鬚，贈我手寫千綠書。
秦漢古法淪俗筆，鍾王祕刻藏綺疏。
君游市俗誰問此，我好奇古貧無餘。
閒來古寺看畫壁，醉去野店烹寒魚。
擊竹有時談九命，無錢踏雪走千墟。
問君歲晚君何如，家有老婢歸田廬。
寄行宮監門王以通

中興天子議攻車，歎息諸公屈壯圖。
行殿不開塵鎖合，至今風雨暗金鋪。

玉鉤簾外前朝柳，柳鬪鴨闌邊小豔葩。
莫道君王不曾問，好收銀鑰護宮花。

山行與伯弼同賦野廟

芳草沒荒基終年掩畫扉酒臺乾舊滴香殿入斜暉神
樹枝枝曲山魃箇箇歸春來歌鼓動野老薦春薇

郊
悼周晉仙

蕭散嵇康輩難教縛宦情識高渾脫略意廣惜沈嬰老
面煙霞古醉衣苔蘚生西峰難獨往茶竈對誰烹

詩救元和失先生學最精律嚴方苦硬才大始縱橫貞
躍何須諡魏閑相繼生他年詩集著風雅被家聲

秋蟬

日落秋蟬噪柳津爲傷風露咽聲頻送晴送雨江亭外
偏感舟行晚泊入

乾元山洪水

雲泉詩稿

九

乾元山頭洪水發溪有長蛟潛伺察兩岸居人莫等閒
年深物怪終騰拔往歲鄰封遭水變只道溪流淨如練
倏忽人煙數里閒夜半平沈皆不見東南地坼乾坤浮
幾番赤子葬洪流神龜去後不復返休看浪打石人頭

防風王廟

萬國方尊再防風殞殿趨應憐舞千戚獨不礙唐虞祭
豆侵田鼠靈幡觸井烏椒漿春奠罷簫鼓舞村巫

部溪別周伯弼

夜館寒相對篝燈語不眠夕煙生水郭風柳泊沙船暖
棄山中宅春耕蒔上田西峰晴靄碧歸去挹飛泉

山池早秋

荷葉傾香露山池見早秋石涼幽蟹過枝晚雨蟬休廢
堰憑虛漲荒泉入亂流水花紅漠漠相對渚雲浮

曉離山隱

出山便與山花別清露叢邊不得留去伴水禽船上宿
石溪斜月下滄洲

天竺秋日

翠滴千竿溼砌苔曲廊花木小叢開吳僧愛覓閒吟處
偷向花邊竹裏來
行繞方池日又斜青雲小注溼秋霞闌干幾度渾敲遍
爲引遊魚出浪花

袁泉詩稿

王謝清遊帶越僧共攜山老坐吳亭身閒不記爲官日
落落吟詩讀道經

茶爐

煉泥合瓦本無功火煖常留宿炭紅有客適從雲外至
小瓶添水作松風

惜梅贈別

蘆管含愁苦怨春况兼風雨送行頻數株零落寒雲畔
難揀香枝寄遠人

雨窗

江湖春水欲生時開盡梅花雁北飛風雨滿庭人不寐
小窗燈火夜深微

虎邱

山色吳門少行人愛此游天高雲閣晚石裂劒池秋
去空陵變僧栖古塔幽上方曾眺遠落日駐扁舟

送甬上人歸仙潭寺

寺憶清溪遶舟移曲岸分塔昏飛雨怪殿黑隱雷文錫
掛秋房冷香浮夕帳熏蘼庭閒望過碧鶴下晴雲

雪中

風定片初微移時鵲噪稀曲塘添柳重形閣映花飛鶴
怪雲黏石僧疑月照扉閉門高臥者終歲復何依
谷寺掩高扉松亭雪側垂石幢圍隱獸野殿沒寒鷗路
轉空林積風驚老樹危草堂香火靜山鹿到荒堦

感雁來紅

雲泉詩稿

十一

落落雲中雁亭亭堦下草草心將變紅雁聲來已早霜
風日夜催對此忘吾老玲瓏葉數層次第顏色好燕脂
染盡時倚闌如醉倒年年秋雁來每被吟情惱

寄姚贛州

雲蓬生剡溪家近放鶴岑晉士有遺風愛尋支遁林得
善忘形服率然披素襟功名亦偶爾王戴非無心今人
異古昔賤義而懷琛蕭條石門詠浩蕩東山吟如何呂
黎翁醉鄉譏涵沈玉帶與金魚劉畢非所欽

秋館

林暑漸消歇爽氣浮高松風蟬有遺響露花結秋紅微

月出東嶺碧雲散
遐穹暮館正虛寂
泉聲雜鳴蛩

送別

送別春湖動
客心荇花無浪
颿寒金晴山望
極連江郡
沙鳥風檣度遠林

宿永安潭上

子規啼在亂山中
廢寺春深暮閣重
門外永安潭上水
朝昏惟送一樓鐘

水仙花

洛浦香銷珮解時
荆臺歸去峽雲遲
綠羅湘帶無心疊
玉墜頭花一半垂

送天竺僧還鄉

雲泉詩稿

十二

月冷雲深天上寺
桂花千樹遶樓臺
歸時若對閒人說
莫道身從月裏來

廢宮

渺渺笙歌散石筵
霓旌吹斷網蛛懸
經年不鎖青鸞殿
野鶴飛來玉几前

溪上

休文壠上陰雲起
雨漲定安橋下水
漁人莫倚滿溪流
見說長蛟劍爲齒

看梅雜興

春動晴山照野扉
早梅開後失歸期
夕陽無奈山郵路
過盡行人雪滿枝

掛頭方帽與烏紗
兄自看梅弟煮茶
閒問水邊行樂去
向陽渾有幾株花

青松古院一株梅
寒地無人花自開
日暮老僧清梵罷
夜深偷照月華來

野棠花

野火回飈掩舊株
新叢滿眼臨征途
綠攢深棘欲自蔽
千朵萬朵爭敷腴
新晴遠客過林坂
煙漲吳船春泊晚
冶豔空搖蕩子情繁
香暗逐吳姬遠
吳姬漂行人愁年
年此花開不休
半壓壞牆荒館外
亂生春蕪野池頭
人間買花貴
純綺一世爭
知異朝市曲檻
朱欄轉首空野棠
無主自成叢

雲泉詩稿

十三

春暮懷伯弼

篔簹深谷近青霄
春盡思君夢自勞
歌鳥不來香室掩
綬花空結紫藤高
荒池瓦礫迷芳草
曉案煙雲擁墨袍
山近響潭多勝好
論詩無處覓劉曹

苧濱夜泊

吳城水冷秋風高
迎霜楓葉飄城壕
吳儂射利如射虜
高帆大艚橫江濤
黃昏不顧風水惡
篙兒怒擊何輕豪
苧濱人家慣迎接
憧憧來往無停艘
水上懸燈招夜泊
沙頭認客相呼號
人生富貴多不足
亦有稗販當勤勞
萬斛高裝謀重利
斗升未給浮輕舸
吾生最愛魯仲連
封侯不受海上逃
輕世肆志甘貧賤
誰能富貴詘辱遭

夜歌新詩喜達旦起看征雁飛雲臯

悼趙宰紫芝甫

紫芝昔賦天台日桐柏宮詩老更成夢斷玉樓春恨曉
蝶迷花院夕魂輕錢郎舊體終難竝姚賈新裁近有聲
有子無家須弔問故交誰不爲傷情

果熟

方池曲沼動林花竹院僧閒日又斜西崦果園方晚熟
一雙烏曰打烏鴉

觀小魚

藻閒相失復相尋水面爭浮力未禁隔岸木蘭船欲去
浪花搖動一時沈

雲泉詩稿

十五

潭上

落葉寒潭上秋風釣艇閒片雲移晚渡孤浪兀晴山敗
柵寒蕪擁高楓夕照還一鷗飛起處煙靄暮溪灣

龍岫南窗書懷

茅堂猶未卜幽興日遲回帶雨聽昏笛和燈看落梅春
風三月近客鬢二毛催憶得初來日山寒暝葉堆

葺唐栖舊廬

矯時無峻節立行虧衆美遠岳憚孤征徘徊就鄉里人
情好愉悅我老齊賢鄙媿媿聽鄉言時時容側耳前脩
不可見法社漸彫毀名山半征徭祖塔亂獐麋林築無
清資澤居循舊址鑿牖納晴曦蒔竹臨幽泚時將了歲

寒閉戶春風裏

裴六書堂

數峰相對夕陰遮
新占書堂舊竹斜
地冷石堦秋菊小
一叢開得兩三花

西湖日暮

渺渺春湖夕靄浮
落花飛燕打蘭舟
游人半入煙城去
月照笙歌上水樓

夜歸

昨夜溪上歸
雲下扣松扉
老福啟重鑰
瘦厖循我衣
院靜雨聲大
氣寒燈暈微
叨叨聽林鳥
春歇訴無依

秋晚

雲泉詩補

五

拒霜花落碧潭秋
懶向山巔水際遊
自看夕陽烏臼樹
白雲紅葉亂溪流

送僧之金陵

秋緘感線溪雲衲
幾回披隴月當窗
夜鐘山入句時夢
依紅樹宿寒渡碧江
遲吳楚繁幽勝相逢苦未期

將別舊山寄伯強

吾道貴日損紀綱
付有力誓捨耕鑿資
生以給信食歲晏
民物耗霜枯鷹隼
擊寂士無豐姿
空田磬塵積小臧
別我去晚瓢先掛
壁飢寒併一身
舍下無遺跡窮達
不異趣死生共短
息碩友諒難捨
他山終易適

鷺峰

山後山前行遍了倚闌不是動秋吟從頭自較山中石
煙雨苔痕幾片深
苔峰只就堦基列臥榻雲窗煙翠涼老去山中貪勝賞
只應迢遞負三湘

澗谷饒春雨烹茶近石池竹雞鳴野壑山雉出荒籬草
長藏初筍花空只舊枝旅懷吟不盡刻竹記幽期

道會三旬滿鄉山九夏初蝶移金鼓夢龍護寶蓮書日
落沙洲迴蘋香水殿虛閉門溪上寺好好自安居

月夜遊冷泉亭

雲泉詩稿

一六

地靈泉上寺松壑定深清獨聽子規叫況逢山月明樹
藏春洞黑石擁夜泉鳴日出喧車馬終非隱者情

寄友

聞君蕭散在田廬想見琴書足自娛欲挈瓶盃就茅屋
桃源圖上有僧無

聽琴

蘼蕪香散楚江頭湘竹叢邊淚不收莫把朱絲寫離恨
夜深簾外鬼神愁

詠懷

落日重雲下哀哀聞子規荆玉化爲土湘淚摧空枝彼
禽復何怨歲歲號春時春風自無情眾芳日夜衰冉冉

無終極哀樂徒爾爲睇彼川上流浩蕩無前期

春日泛舟

野外苔磯好孤舟未可拋碧溪沿谷口晴柳護塘坳波
靜魚吹沫林深鵲隱巢輕雲障暖日閒思渺春郊

庭心草

兀坐轉流光見爾庭心草亭亭花未開靡靡葉先老潛
荻幾化螢芳蕤暫妍好情慮果徒勞吾言非計早

山樂官

古來歌舞者樂極總幽沈山鬼晝無影春禽歌好音梨
園虛寶閣玉樹慢荒淫一曲煙蘿外傷哉悲樂心

過青芝村觀晚梅

雲泉詩稿

七

梅花樹下春風靜苔荒薺老圍春井山翁汲泉來點茶
觸殘花下玲瓏影

送別韻溪權上人

溪行逢雪後明月照孤身夜榜聞煙艇春耕見穡人早
梅容易落征路往來頻應感隨陽雁年年度柳津

松陵答友人

鬱羅天上挹星躔拾羽編衣汎碧蓮長笛亂吹明月夜
秋風濯足太湖邊

憶舊隱行柔上人

遙憶荒堦碧蘚生木蘭露重滴歸情秋山松桂皆森爽
夜館星河幾晦明溪色乍涼雙鷺下雨聲纔絕一蟬鳴

經房舊掩青楓老此夜無人月影清

寄鳳山滿上人

空生久不來端居常掩室緬懷舊林社泉壑翳清密古
鳳閣靈音野竹無花實動植皆營營望言消永日

周令自江夏歸郢溪

芳草萋迷征騎歸且依張負入書帷家園懶記閒花草
蔬豆重甘舊藿葵崔顥能吟有陳迹禰衡作賦想當時
才能往往爲身累好讀淵明飲酒詩

春至

松鳴山欲浮昨夜春風過曉戶啟晴光早鶯啼一箇朝
吟還自酬暮吟還自醉年光整整來山房人亦樂十一

雲泉詩稿

十一

錢唐釋永頤號雲泉杭之耆宿也溘祐十年冬十一
月聞上竺佛光法師以左藏薛師普占廨院欲作廳
佛光勿許輒渡江東歸頤甚高之遣書慰曰公幡然
高舉佛祖所謂毋自辱也願戀乎何有昌黎公所譏
語刺刺不能休者當媿死矣

上天竺志

雲泉詩稿

雲泉詩稿補遺

呂晉叔著作遺新茶

其品大窠葉收二餅葉二十餅一餅郝原葉仲原四餅章

坂葉二十九二餅碧原王家二餅大佛嶺游潤四餅凡六家

四葉及王游共家原坂嶺歲插建溪春爭先取晴景大窠有壯液所發必奇穎一朝團培成價與黃金逞呂侯得鄉人分贈我已幸其贈幾何多六色十五餅每餅包青莢紅籤纏素縹屑之雲雪輕啜已神魄惺會待佳客來侑談當畫永首見心齋詩集

觀游張園觀海棠戲作

春色都將付海棠羣仙會處錦屏張約齋妙出春風手

子美無情為發揚

雲泉詩稿補遺

一

雪中海棠

蜀妃夜謁紫虛皇玉鳳差參促曉妝識罷瑤臺魂未醒
臙脂臉上白雲香

右詩三首見江湖後集

泉首掛郊祀發心奇歸一樽團餅如踏履黃金豈呂侯
四葉及王游共家原坂嶺歲插建溪春爭先取晴景大

其品大窠葉收二餅葉二十餅一餅郝原葉仲原四餅章

呂晉叔著作遺新茶

其品大窠葉收二餅葉二十餅一餅郝原葉仲原四餅章

雪中海棠

書小史

歲次柔兆涪歎九月同伯氏
雙鉤漢史晨後碑字



八千卷樓重雕宋本

書小史

欽定四庫全書總目

書小史十卷

浙江巡撫採進本

宋陳思撰。思有寶刻叢編，已著錄。是書以歷代書家小傳纂次成帙，前有咸淳丁卯天台謝愈修序。書中所載自庖犧迄五季，凡紀一卷。載帝王為五十一人，傳九卷。首后妃十人，附以諸女十三人。次諸王二十七人，次蒼頡至郭忠恕共四百三十人。如中閒閨秀一門，自宐依史例，退置史末，乃以廁於后妃。諸王之閒，殊為乖舛。又如北齊彭城王浹，本無能書之名，惟史載其以歲時書迹未工為博。士韓毅所戲，思因此一節，遂一概探入書家中，尤屬泛濫。迴不及書苑菁華之詳密，特其排比薈粹，用力亦勤。自張彥遠名畫法書各有記錄，嗣後品錄畫家者，多品錄書家者，少思蒐羅編輯彙為斯編，亦足以為考古者檢閱之助也。

書小史提要

一

精王二十一人，次蒼頡至韓忠恕共四百三十人。十一人，次蒼頡至韓忠恕共四百三十人。書中洵薄自歐陽文正年，次卷薄帝王五十五人，宋小尊纂次，次前首，次高丁，限天台，謝愈修序。宋刺思與思自寶刻叢編，日善，繪長書，以想，次書。

宋刺思與思自寶刻叢編，日善，繪長書，以想，次書。

宋刺思與思自寶刻叢編，日善，繪長書，以想，次書。

書小史十卷

浙江巡撫採進本

欽定四庫全書總目

書小史者中都陳道
人所編也自伏羲畫
卦以至五代上下數
千百年之間字體變

化如浮雲紀傳所載
以書名者代不乏人
而人之賢否藝之高
下雖妙跡不能盡傳

于世觀此亦可槩見
其萬一道人趣尚之
雅編類之勤可謂不
苟於用心矣予識之

五十餘年每一到都
必先來訪證訂名帖
飽窺異書愈久而愈
不相忘亦未易多得

也咸淳丁卯重九天
台謝愈修書于西湖
廡舍時年七十有四

書小史目錄

第一卷

紀

伏羲

神農

黃帝

少昊

顓頊

帝嚳

帝堯

帝禹

周武王

穆王

漢武帝

元帝

後漢章帝

安帝

靈帝

魏武帝

文帝

高貴鄉公

吳大帝

後主

晉景帝

文帝

武帝

東晉元帝

書小史目錄

一

明帝

成帝

康帝

哀帝

簡文帝

孝武帝

宋高祖

文帝

孝武帝

明帝

齊高帝

武帝

廢帝

梁武帝

簡文帝

元帝

陳武帝

文帝

後主

隋煬帝

唐高祖

太宗

高宗

中宗

睿宗

玄宗

順宗

第二卷

傳
后女

漢許皇后

後漢陰皇后

鄧皇后

梁皇后

魏甄皇后

吳趙夫人

晉楊皇后

東晉于皇后

梁郗皇后

陳章皇后

沈皇后

唐武皇后

魯秋胡妻

馬氏漢皇甫規妻

蔡邕女珍

晉衛夫人

郗氏王羲之妻

謝氏王凝之妻

傅氏郗愔妻

荀氏王治妻

汪氏王珣妻

謝氏宋孔琳之妻

臨川公主唐太宗女

劉秦妹

高氏房璠妻

樂成王黨

魏陳思王植

漢北海王睦

樂成王黨

魏陳思王植

晉齊獻王攸

武陵王晞

會稽王道子

宋南平王鑠

海陵王休茂

齊臨川王映

武陵王暕

衡陽王鈞

江夏王鋒

竟陵王子良

梁邵陵王綸

陳始興王伯茂

廬陵王伯仁

武陵王伯禮

永陽王伯智

桂陽王伯謀

新蔡王叔齊

北齊彭城王浹

唐魯王智雲

漢王元昌

韓王元吉

魯王靈夔

曹王明

岐王隆範

第三卷

傳三

秦

蒼頡

黃帝時

商務光

周史佚

史籀

魯孔子

宋司馬子韋

書小史目錄

二

秦李斯

趙高

胡毋敬

程邈

王次仲

漢蕭何

司馬相如

董仲舒

嚴延年

史游

王尊

張敞

陳遵

杜鄴

李長

揚雄

爰禮

後漢杜林

衛宏

曹喜

班固

賈逵

杜度

賈魴

徐幹

許慎

崔瑗子寔

羅暉

張襲

劉德昇

蔡邕

師宜官

張芝弟昶

毛弘

左伯

張超

張詡

梁宣田彥和

孫敬

傅奕

唐綜

第四卷

傳魏吳蜀

魏梁鵠

胡昭

邯鄲淳

韋誕

兄康子熊

鍾繇

子會

衛覲

張揖

劉廙

杜畿

子恕

虞松

宋翼

吳皇象

張紘

張昭

張弘

賀劭

朱育

蜀諸葛亮

子瞻

晉何曾

荀勗

楊肇

嵇康

阮籍

阮咸

王戎

山濤

劉伶

向秀

衛瓘

衛恒

弟直庭子璩玠

索靖

羊祜

張華

傅玄

王允

張喜皇甫定

樂廣

呂忱

杜預

左思

陸機

弟雲

張越

張翰

陳公綏

蔡克

劉琨

盧諶

子優子遜

辛謐

江瓊

僞趙劉聰

劉曜

書小史目錄

四

第五卷

傳晉

東晉王導

子恬洽劭蒼

王廙

劉超

陶侃

顧榮

紀瞻

卞壺

應詹

熊遠

郗鑒

子愷曇愷子超曇子儉之恢

庾亮

弟暉永翼孫准

范汪

子寔

劉惔

孔侃

孔愉

丁潭

孔廩

謝尚

弟安奕萬

王珣

王廞

王曠

王羲之

子立之操之

王允之

凝之渙之徽之獻之

王濛

子修

王述

子坦之

王允之

謝藻

謝璠伯

戴逵子願

李充

李式弟定子

張澄子彭祖

荀爽

劉召柳詳

張翼

第六卷

傳晉宋

康昕

惠式道人

何充

劉訥

劉璞

劉瓌

韋昶

江灌

沈嘉

溫放之

許靜民

相溫子立

顧愷之

諸葛長民

袁山松

殷仲堪

陳暢

楊真人

書小史目錄

五

謝靜

謝敷

宋琰

王綏

羊忱

羊固

盧循

宋劉穆之

朱齡石

羊欣

孔琳之

薄紹之

謝靈運

謝方明子惠連

謝晦

謝莊

蕭思話

王曇首

范曄

張裕子永

謝綜

顏延之子峻

王裕之

王微

宗炳

王道護

王思立

桓護之

駱簡

龐秀之

巢尚之

裴松之

徐爰

江僧安

賀道力

王道迄

齊王僧虔

子慈志

王儉

褚淵

劉休

源楷之

徐孝嗣

劉係宗

蕭惠基

張欣泰

劉摛

顧寶光

胡諧之

紀僧真

弟僧猛

徐希秀

張融

謝朓

宗測

劉瑱

劉繪

王僧祐

周顒

第七卷

傳

梁陳

梁蕭子雲

子特

蕭幾

蕭確

書小史目錄

王彬

王籍

陸杲

陶弘景

阮研

王僧孺

沈約

柳惔

任昉

殷鈞

蕭賁

傅昭

朱异

陸倕

庾詵

丁覬

到沆

袁昂

劉蕙裴

張孝秀

孔敬通

庾元威

徐僧權

劉孝綽

范懷約

江蒨

徐伯珍

顏協

謝善勛
韋仲

庾肩吾

陳顧野王

徐陵

趙知禮

張正見

謝貞

周弘讓

王克

蔡景歷

子微

孫瑒

毛喜

蕭乾

蕭引

江聰

沈君理

蔡凝

丁真

謝嘏

袁憲

賀助

伏知道

侯安都

劉顥

第八卷

傳

後魏北齊後周隋

後魏崔悅

子潛

潘子宏

崔衡

盧玄

子伯源

盧晏

江式

兄子順和

盧魯元

谷渾

竇遵

子僧演

書小史目錄

七

崔挺

沈法會

劉芳

從子懋

郭祚

柳僧習

柳楷

夏侯道遷

庾道

曹世表

孫伯禮

裴敬憲

王世弼

子由

李苗

蔣少遊

劉仁之

李思穆

沈嵩

呂溫

盧淵

宇文忠之

北齊趙隱

張景仁

崔仲舒

杜弼

韓毅

元行恭

李元護

劉珉

子玄平

殷英童

後周黎景熙

趙文深

趙仲將

冀雋

王褒

蕭撝

蕭慨

竇慶

庾信

柳弘

元禮

顏之推

薛慎

隋楊素

盧昌衡

閻毗

趙孝逸

釋智永

釋智果 僧休

釋敬脫

庾持

虞綽

丁道護

虞世基

房彥謙

史陵

第九卷

傳 唐

唐房玄齡

歐陽詢

虞世南

族子篡孫煥

書小史目錄

褚遂良

曹憲

顏師古

顏勤禮

子昭甫

劉仁軌

陸柬之

楊思道

上官儀

劉伯莊

房開山

李懷琳

薛純陀

孫過庭

錢毅

薛稷

魏叔瑜 子華

裴行儉

姜協

殷令民 子仲容

王知勣

弟知慎

宋令文

王紹宗

兄嗣宗

高正臣

李思訓

鍾紹京

賈膺福

薛昌容李元振

顏元孫

弟惟貞

杜審言

盧藏用

魏哲

張旭

司馬承禎

賀知章

宋儋

李璆

吳道玄

鄭虔

盧鴻

陸堅

呂向

梁昇卿

郭謙光

韓擇木

李邕

第十卷

傳 唐五代

蕭誠

弟諒

張庭珪

史白

子惟則 懷則

蔡有鄰

從子希寂

田琦

顧誠奢

韋陟

弟斌

衛包

蘇詵

鄒彤

徐安貞

胡霈然

李造

李潮

徐嶠之

子造

書小史目錄

九

王維

弟縉

李陽冰

子騰

張誼

李權

弟樞 姪平鈞

鄭遷

弟邁 逾

張懷瓘

弟懷瓌

顏允南

弟真卿

張志和

韓滉

張從申

弟從師 從義從約

劉繪

明若山

竇蒙

弟眾

喬龜年

瞿令聞

齊皎

林傑

徐疇

弟峴

袁滋

吳通玄

弟通微

沈傅師

柳宗元

裴潏

裴休

柳公權

從子仲郢

盧知猷

唐玄度

于僧翰

貝靈該

周墀

陸希聲

僧懷素

釋高閑

釋亞栖

釋貫休

釋晉光

釋洪堰

五代楊疑式

羅紹威

李鶚

李從曦

馬胤孫

南唐後主李煜

韓熙載

徐鉉 弟錯

郭忠恕

書小史目錄

書小史目錄

書小史目錄

韓熙載

徐鉉

郭忠恕

李從曦

馬胤孫

南唐後主李煜

五代楊疑式

羅紹威

李鶚

釋貫休

釋晉光

釋洪堰

太昊伏羲氏燧人氏之子也因風而生故為風姓以木王天下始畫八卦造書契代結繩因獲景龍之瑞其制儀象布政令紀官皆以龍於是始為龍書唐韓晉公滉嘗獲齊竟陵王子良龍書十五字置于招隱寺乃其遺法

炎帝神農氏姜姓以火德王始為耒耜以教民稼穡作陶冶谷斤民用以利嚙百草以濟民病因上黨羊頭山始生嘉禾八穗帝異之乃作穗書用頒政令

※

黃帝少典之子姓公孫名軒轅號有熊氏命蒼頡沮誦造書字以正名百物由是古文滋生是時景雲常見郁郁紛紛帝因為雲書以紀職又嘗遊立扈之上靈龜負圖而臻文章之繁充自此始帝嘉其感應作書以寫其狀故後世有龜書焉

少昊金天氏名摯字青陽黃帝之子也姬姓少昊之立鳳鳥適至故以鳥紀官作鸞鳳書其文章衣服皆以為象

顓頊高陽氏黃帝之孫昌意之子也靜淵以有謀疏通而知事作科斗書因科斗之名故飾之以形頭籟尾細腹狀團圓如水中之科斗魯恭王時壞孔子宅

於壁中所得所藏書皆科斗文字今古文是也
帝嚳高辛氏黃帝之曾孫也生而神靈自言其名日
月所照風雨所至莫不從服以人事紀官象仙人形
書其車器衣服皆爲之後代因之遂作此體

帝堯陶唐氏名放勳姓伊祁帝嚳之子也因軒轅靈
龜負圖遂作龜書象龜之形焉

帝禹夏后氏名文命姒姓黃帝玄孫顓頊之孫鯀之
子也舜授禹以位於是大朝天下諸侯因九牧貢金
鑄鼎象物故作鐘鼎書象鐘鼎篆

周武王名發姬姓帝嚳之後文王之子也率修文王
緒業時殷紂無道武王東觀兵至于盟津渡河中流

書小史卷一

二

白魚躍入王舟中武王俯取以祭凡厥符瑞史臣曰
佚紀之文字作爲魚書體魚之首骨爲乙尾翼爲丙
蓋是則焉初文王時赤雀銜書集戶至武王又感丹
鳥流室以此二瑞故作鳥書勢若翔羽

穆王名滿昭王之子時西域化人來王與之遊而得
八駿之乘乃西遊見王母於瑤池之上樂而忘返聞
徐偃王得諸侯遂長驅而歸後登趙州贊皇山大象
吉日癸巳四字于山

漢孝武皇帝姓劉氏諱徹景帝中子也能文辭詩賦
初六國時各以異體之書僭爲符信而芝草芝英等
書興焉秦焚儒典其文煨燼至帝產靈芝於宣房旣

作芝房之歌因述芝英之書焉

孝元皇帝名奭宣帝太子也好儒多材藝善史書

應劭

曰周宣王太史史籀所作大篆也

洞曉音律窮極要妙

王莽下也

後漢肅宗孝章皇帝諱炘顯宗第五子也少寬容好儒術初史游作草書惟君長告令臣下用之建初中

杜度善草帝貴其迹詔上章表令作草體始號章草

今法帖中有章帝草書辰宿列張等數十字存焉

恭宗孝安皇帝諱祐肅宗孫也年十歲好學史書

史書

者周宣王太史史籀所作之書也

和帝常稱之

孝靈皇帝諱宏肅宗立孫也帝好學善書自作皇義

篇五十章始置鴻都門學生敕州郡王公舉召能爲

書少史卷一

三

尺牘辭賦及工鳥篆者相課試至千人熹平中詔諸

儒正五經文字命蔡邕等書刻石立于太學

魏太祖武皇帝姓曹諱操字孟德沛國譙人也多材

藝自作兵書十餘萬言尤工章草雄逸絕倫張華云

漢世安平崔瑗崔瑗子實弘農張芝芝弟昶善章草

而武帝亞焉

文皇帝諱丕字子相武帝太子也善飛白書時於宮

中戲爲之

高貴鄉公諱髦字彥士文帝孫東海定王霖子也少

學夙成工草隸

吳大帝姓孫諱權字仲謀吳郡富春人性度弘朗仁

而多智善行草書南齊王僧虔嘗得大帝及景帝歸命侯法書上之齊高帝

後主諱皓字元宗大帝權之孫太子和之子也善行

隸書梁庾肩吾云魏武筆墨雄贍孫皓體裁綿密李

嗣真云孫皓吳人酣暢驕其家室雖欲矜豪亦復平

矣曰五胡書卷五

晉景皇帝姓司馬氏諱師字子元河內溫縣人宣帝

長子也沉毅有大略少流美譽善正書

文皇帝諱昭字子上景帝之母弟也善正書書賦云

挹子元之瓌蹟高子上之雄神量蘊文儒才苞古真

或寄詞達禮任道懷仁或仰則鍾繇平視衛臻如晴

郊駟馬維岳降神書小史卷一

武皇帝諱炎字安世文帝長子也寬惠仁厚深沉有

度量善行草書

東晉元皇帝名睿字景文宣帝曾孫瑯琊恭王覲之

子東朝中興之主也沉敏有度量善正行書當東遷

謠曰五馬浮渡江一馬化爲龍書賦云逮乎龍化東

遷景文興嗣天然俊傑毫翰英異元帝之用筆可觀

世踰劉之呈規仰似如發劔刃虎駿鸚貽懦夫喪精

劔客得志武宗大帝與文飛太

明皇帝諱紹字道幾元帝長子也幼而聰哲有對日

之奇雅好文辭善書畫

之奇雅好文辭善書畫

成皇帝諱衍字世根明帝長子也少聰敏及長留心萬機務在簡儉善草書書賦云成帝則生知草意穎悟通諳光使畏魄青疑過藍勁力外爽古風内含若雲開而乍覩晴日泉落而懸歸碧潭

康皇帝諱岳字世同成帝母弟也善行草書書賦云康帝則幼少閒慢迥出凡境駟馬安車不尙馳騁

哀皇帝諱丕字千齡成帝長子也善行書

簡文皇帝諱昱字道萬元帝少子也幼而岐嶷爲元帝所愛及長尤善立言留心典籍工行草書

孝武皇帝諱曜字昌明簡文帝第三子也善行草書書賦云真率孝武不規不矩氣有餘高體無所主若

露滋蔓草風送驟雨

書小史卷一

五

宋高祖武皇帝姓劉氏諱裕字德興彭城人性嚴整有法度帝素拙於書劉穆之曰此雖小事然宣被四遠願公少復留意帝旣不能措意又稟分有在穆之乃曰公但縱筆爲大字一字徑尺亦無嫌大旣足有所包且其勢亦美武帝從之一紙不過六七字便滿書賦云宋武德輿法含古初見答道和之啟未披有位之書觀其逸毫巨麗載兆虎變高躅莫究其涯雄風於焉已扇猶金玉鑿璞包露貴賤

文皇帝諱義隆武帝第三子也聰明仁厚雅重文儒博涉經史善隸書及行草張懷瓘云規模大令自謂

不減於師時論以爲天然勝羊欣而功夫恨少是亦可尙道心雖微探索幽深若泠泠水行有巖石間真聲爾李嗣真云放逸屈摺頗効康昕量其直置孤梗是謝靈運之流書賦云皇矣文帝天知正隸舉已達於縱橫攀玉媚於緊細向專精而習熟幾可與之興替尙瞻擊水之鵬搏且並聞天之鶴唳

孝武皇帝諱駿字休龍文帝第三子也少機穎讀書七行俱下才藻甚美善正行草書書賦云孝武則武威戡難翰墨馳聲雖稟訓而已高恨一簣而未成徒忌人之賢已冀及父之令名與思話而雄強追彥琳而愧恥若夷狄之佳麗慕顏容於桃李

書小史卷一

六

明皇帝諱彧字休景文帝第十一子也善行書書賦云太宗徽音用壯之心遺棄鄙野不無高深快突俗工匠古鄰今冠祖黎之下果怯鸞鳳之珍禽

齊太宗高皇帝姓蕭氏諱道成字紹伯南蘭陵人姿表英異龍顏鐘聲鱗文遍體敦朴尙古善屬文工正行草書篤好不已祖述子敬稍乏筋骨嘗與王僧虔賭書畢帝曰誰爲第一僧虔對曰臣書臣中第一陛下書帝中第一帝笑曰卿可謂善自謀矣張懷瓘云高帝與簡穆賭書亦猶驅雞之搏狸稍不自量也書賦云齊高則文武英威時來運歸挺生紹伯墨妙翰飛觀乎吐納僧虔擠排子敬昂藏鬱拔勝草負正猶

力稽牛刀水展龍性

世祖武皇帝諱頤字宣述高帝長子也剛毅有斷工
行草書帝欲擅書名故王僧虔不敢顯其迹嘗用拙
筆書以此見容書賦云世祖宣遠象賢豈敢仰英規
而無功超筆力而有膽莫顧程式率由胸襟能騁逸
氣未忘童心若橫波束薪泛濫淺深

廢帝鬱林王名昭業字元尙文惠太子長子也美容
止好隸書武帝特所鍾愛敕皇孫手書不得妄出以
貴之嘗謂武帝曰臣書固應勝江夏王帝答曰闍黎
第一法身第二法身昭業小名闍黎江夏王鋒小名
也

書小史卷一

七

梁高祖武皇帝姓蕭氏名衍字叔達南蘭陵人也性
嚴整勤學博文好草書張懷瓘云狀貌雖古但乏於
筋骨無奇姿異態稍減於齊高矣帝尤好圖書搜訪
天下大有所獲書賦云梁則高祖叔達恢弘厥躬泯
規矩合童蒙文勝質而辭寡明察眾而理窮猶巧匠
琢玉心愜雕蟲

太宗簡文皇帝諱綱字世讚武帝第三子也幼聰睿

六歲能屬文及長氣宇寬弘讀書十行俱下博綜羣
言善談立理工行書書賦云簡文慕鍾不瑕有害傲

景喬而含古

蕭子雲

肩邵陵而去泰

邵陵王綸

侯景將亂帝

數夢秦皇焚天下書既而內府書畫數百函後果煨

滅於賊景

世祖孝元皇帝諱繹字世誠武帝第七子也聰悟俊朗天才英發博極羣書工書善畫嘗自圖宣尼像爲之贊而書之時人謂之三絕嘗權衡蕭子雲書此二王則若牝雞仰於威鳳子貢賢於仲尼書賦云孝元不拘快利睢盱習寬疏於一體加緊薄而小殊名畫記云承聖末魏師襲荊州城陷帝將降乃聚古畫法書及典籍十四萬卷遣後閣舍人高善寶焚之帝欲投火俱焚宮嬪牽衣得免吳越寶劔並將斫柱令折乃歎曰蕭世誠一至此乎文武之道今夜窮矣周將子瑾於煨燼中撝拾逸遺得書畫四千餘卷歸于長

書少史卷一

八

安

陳高祖武皇帝姓陳氏諱霸先字興國吳興長城人也少倜儻有大志及長涉獵史籍善行草書書賦云爰及陳氏霸先創業盤桓有威牢落無法等王師憑怒挫劔攻劫

文皇帝諱蒨字子華始興昭烈王之長子也少沉敏有識量美容儀留意經史善行草書

後主諱叔寶字元秀宣帝長子也善行草書陳室富
有書畫隋文帝卽位以晉王廣爲元帥平之命元帥
記室參軍裴矩高穎收其書畫得八百餘卷於東京
觀文殿起二臺東曰妙楷藏自古法書西曰寶躅收

自古名畫

隋煬皇帝姓楊氏諱廣高祖第二子也少敏慧好學善屬文好飛白書大業記云煬帝將幸江都宮女半不隨駕爭泣留帝言遼東小國不足煩大駕願擇將征之攀車惜留指血染鞅帝意不回因飛白題二十字留賜宮嬪曰我夢江都好征遼亦偶然但留顏色在離別只今年二王書錄云大業末帝幸江都祕府圖書多將從幸中道船沒大半淪棄其間得存所餘無幾弑逆之後並歸宇文化及至遼城爲竇建德所破並皆亡失

唐高祖神堯大聖大光孝皇帝姓李氏諱淵字叔德

書小史卷一

九

隴西成紀人也性寬仁善書師王褒得其妙故有梁朝風格尤善行草工而且疾結字不拘常體而筆迹韻媚可愛常一日注授于許人吏案遇得好紙走筆若飛食頃而訖得官人等並不取告符乞寶神筆之迹遂各分所授官而去書賦云我巨唐之膺休一六合而闡幽武功定文德脩高祖運龍爪陳睿謀自我雄其神貌冠梁代之徽猷

太宗文武大聖大廣孝皇帝諱世民高祖次子也聰明英異有大志兼資文武博通羣書善屬文工隸書飛白行草得二王法尤善臨古帖殆於逼真貞觀初銳意臨翫右軍真迹人間購募殆盡嘗自書真草屏

風以示羣下爲一時之絕隸書師虞世南嘗患於戈
法一日書遇戩字空其落于世南因取筆填之俄而
魏鄭公奏事帝出書示之曰朕近學虞世南書似盡
其法卿看之鄭公曰天筆所臨萬象不能逃其形非
小臣所可擬倫今仰窺聖作惟戩字戈法頗逼其眞
旣而舞蹈稱謝上深歎鄭公高於藻識然益加工焉
太宗嘗讌三品以上於立武門帝操筆作飛白書賜
羣臣或乘酒爭取於帝手惟常侍劉洎登御座引手
得之御史請劾罪以死帝曰昔聞婕妤辭輦今見常
侍登牀竟釋其罪

書小史卷一

子也善正書飛白龍朔中上自爲書與遼東諸將謂
許敬宗曰許圜師嘗自愛書可於朝堂開示圜師見
甚驚喜私謂朝官曰圜師見古蹟多矣魏晉已後惟
稱二王然逸少多力而醜子敬妍而少力今觀聖跡
兼絕二王鳳翥鸞迴實古今書聖帝嘗飛白書賜宰
臣人各六字戴至德曰泛洪源俟舟楫郝處俊曰飛
九霄假六翮李敬立曰資啟沃罄丹誠崔知悌曰竭
忠節贊皇猷皆見意於辭
中宗孝和大聖大昭孝皇帝諱顯高宗第七子也善
飛白書嘗寫昇中述志碑額今見存焉
睿宗立眞大聖大興孝皇帝諱旦高宗第八子也性

淳和長而溫恭好學通詁訓工草隸書中宗嘗爲武
后追福修聖善寺制度奇麗爲都城之最寺內立碑
中宗製文睿宗書之書賦云睿宗垂文規模尙古飛
五雲而在天連三光以窺戶

立宗至道大聖大明孝皇帝諱隆基睿宗第三子也
孝友慈仁善騎射通音律曆象之學好圖畫工入分
章草豐茂英特初張說爲麗正殿學士獻詩明皇自
於彩牋上入分書讚曰德重和鼎功逾濟川詞林秀
發翰苑光鮮開元中御書御注道德經詔列郡咸建
石臺譙郡太守趙冬曦請置聖祖降生之地書賦云
開元應乾神武聰明風骨巨麗碑版崢嶸思如泉而

吐鳳筆爲海而吞鯨

※

十一

順宗至德弘道大聖大安孝皇帝諱誦德宗長子也
寬仁喜學藝善隸書德宗工爲詩每賜大臣方鎮詩
制必命寫之

正德而奪天數三才以讓可

書小史卷第一

大聖皇帝諱誦德宗長子也

中宗製文睿宗書之書賦云睿宗垂文規模尙古飛

五雲而在天連三光以窺戶

書小史卷第二 錢塘陳壽思纂次

傳一 后女

漢孝成許皇后大司馬車騎將軍平恩侯嘉女也聰

慧善史書 史書

後漢和帝陰皇后諱某光烈皇后兄執金吾識之曾

孫也少聰慧善書藝 史書

和熹鄧皇后諱綏太傅禹之孫也六歲能史書 史書

王太史猶所作大篆十五篇教學童之書也 十二通詩論語志在典籍母

嘗非之曰汝不習女工以供衣服乃更務學豈當舉

博士耶后重違母言晝修婦業暮誦經典家人號曰

一

諸生 昭烈梁皇后諱嬀大將軍商之女也少善女工好史

書九歲能誦論語治韓詩大義略舉嘗以烈女圖畫

置於左右以自監戒 魏文昭甄皇后中山無極人明帝母漢太保甄邯後

也九歲喜書視字輒識數用諸兄筆硯兄謂后言汝

當習女工用書為學當作女博士耶后答言聞古者

賢女未有不學前世成敗以為己識不知書何由見

之 吳王趙夫人丞相趙達之妹善書畫巧妙無雙名畫

記云孫權嘗歎魏蜀未平思得善畫者圖山川地形

夫人乃進所寫江湖九州山岳之勢

晉武元楊皇后諱豔字瓊芝弘農華陰人后少聰慧

善書姿質美麗閑於女工

東晉安僖王皇后諱神愛瑯琊臨沂人中書令獻之

女也善書

梁武邨皇后諱徽高平金鄉人父暕太子舍人后母

宋文帝女尋陽公主也幼明慧善隸書讀史傳女工

之事無不閑習

陳武宣章皇后諱要兒吳興烏程人少聰慧美容儀

善書能誦詩及楚辭

後主沈皇后諱婺華吳興武康人父君理母卽武帝

女會稽穆公主也后性端靜有識量聰敏強記涉獵

經史工書翰國亡與後主俱入長安及後主薨后自

爲哀辭文甚酸切書賦云沈氏后德名標婺華允光

親署獨美可嘉如晚晴陣雲傍日殘霞

唐則天順聖皇后武氏諱曩并州文水人也臨朝稱

尊號曰大周金輪皇帝好飛白書自題昇仙太子廟

碑額后好書嘗墨制問石泉公王方慶求其祖父書

方慶進十一代祖導已下二十八人書共十卷后御

武成殿示羣臣仍令中書舍人崔融爲寶章集以敘

其事復賜方慶當時以爲榮書賦云武后君臨藻翰

時欽順天矜而永保先業從人欲而不顧兼金

諸女

魯秋胡妻者魯人秋胡遠宦三年不歸其妻幽居懷思而作蟲書秦書有八體四曰蟲書以書幡信首蕭子良云實蠶書也蓋婦人閨閫之所事故因擬象草續五十六種書體云蟲書魯秋胡妻因浣蠶所作亦曰雕蟲篆缺曰妾聞畏文之限蠶不厭對子餘避善漢安定皇甫規妻馬氏善屬文能草書時爲規答書記人怪其王立父題書四干善卷流猶空嵐固齊蔡蔡琰字文姬卽中郎邕之女也博學有才辯工書善章草適河東衛仲道夫亡無子歸盜於家興平中天下喪亂文姬爲胡騎所獲沒于胡中十二年曹操素與邕善痛其無嗣乃遣使者以金璧贖之而重嫁於董祀祀爲屯田都尉犯法當死文姬詣曹操請之乃原祀罪操因問曰聞夫人家先多墳籍猶能記憶之否文姬曰昔亡父賜書四千許卷流離塗炭罔有存者今所誦憶裁四百餘篇耳操曰今當使十吏就夫人寫之文姬曰妾聞男女之別禮不親授乞給紙筆真草惟命於是繕寫送之文無遺誤今詩置祀祀真太宗皇帝所勒法帖中有文姬十四字云我生之初尚無爲我生之後漢祚衰國日蟲書以書誦誦首晉魏夫人名鑠字茂猗廷尉展之女弟恒之從妹汝陰太守李矩之妻也善隸書張懷瓘云隸書尤善規

矩鍾公碎玉壺之冰爛瑤臺之月婉然芳樹穆若清
風右軍少嘗師之子敬年五六歲已解書神情朗悟
嘗從諸兄造焉夫人乃書大雅吟賜之後右軍亦愛
其書而臨寫之唐人評云衛夫人書如插花舞女低
昂美蓉又如美女登臺仙娥弄影紅蓮映水碧沼浮
霞

王羲之妻郗氏鑿之女也甚工書兄愔與曇謂之女
中筆仙

王凝之妻謝氏字道韞安西將軍弈之女也聰識有
才辯善正行書甚爲舅氏所重李嗣真云雍容和雅
芬馥可翫

書小史卷二

四

郗愔妻傅氏善正書

見庾肩吾書品

王洽妻荀氏善書

王珉妻江氏善書

宋孔琳之妻謝氏善書

唐臨川公主太宗女也下嫁周道務主工籀隸能屬
文高宗立上孝德頌帝下詔褒答

劉秦妹歸馬氏善臨學王右軍蘭亭及安西帖咄咄
逼真秦翰林書人也書賦云馬家劉氏臨效逼斥安
西蘭亭貌奪眞蹟如宓妃遺形於巧素再見如在之

古昔

房璘妻高氏善隸書

嘗書太原府太谷縣令安庭堅美政頌歐公集古錄有跋

諸王

後漢北海敬王睦敬王興之子光武兄伯升之孫也少好學博通書傳能屬文善史書當世以爲楷則光武器之明帝爲太子尤見親幸甚愛其法及寢病帝驛馬令作草書尺牘十首請文帝筆心以書樂成靖王黨明帝子聰慧善史書喜正文字與肅宗同年尤見親愛全魏各而魏陳思王植字子建武帝子善屬文言出爲論下筆成章亦工書

晉齊獻王攸字大猷文帝第二子也少而岐嶷及長清和平允愛經籍能屬文善尺牘爲世模楷王僧虔

書小史卷二

五

云晉齊王攸書京洛以爲楷法張懷瓘云蘭芳玉潔奇而且古書賦云偉哉齊王手蹟目覩翰墨之外仁賢是優重則突兀嵩華輕則參差斗牛

武陵威王晞字道叔元帝子也善正書書賦云赳赳道叔遠淳邇俗全姓名而孰多議風度而不足元子憚其威武吾徒遵其軌躅書善五文字與肅宗會稽文孝王道子字道子簡文帝子少以清澹爲謝安所稱善行書書賦云道子雅薄緜密纖潤露輕藏沉假曲躡峻猶尺水之含衆象小山之擬萬仞宋南平穆王鑠字休立文帝第四子少好學有文才善正書書賦云南平休立筆力自全幼齒結搆老成

天然比夫鳥在鸞龍潛泉神采卓爾文辭粲然

海陵王休茂文帝第十四子也善正書書賦云休茂尚冲已恭法則長於用筆結字短於精神骨力性靈可觀運用未極猶鳧雛鶻子初備羽翼

齊臨川獻王映字宣光高帝第三子也幼而警悟美言笑善騎射解聲律工左右書左右射

武陵昭王暉字宣昭高帝第五子也高祖雖爲方伯而居處甚貧諸子學書無紙筆暉嘗以指畫空中及畫掌學字遂工篆法

衡陽王鈞字宣禮高帝第十一子也七歲出繼衡陽王性好學善屬文工正書嘗手自書細書寫五經部

書小史卷二

六

爲一卷置于巾箱中以備遺忘侍讀賀玠問曰殿下家自有墳素復何須蠅頭細書別藏巾箱中答曰巾箱中有五經於檢閱既易且一更手寫則永不忘諸王聞而爭效爲巾箱五經巾箱五經自此始也

江夏王鋒字宣穎高帝第十二子也年四歲性方整好學書蓄於母張氏舍張氏無紙乃倚井欄爲書書滿則洗之已復更書如此者累月又晨興不冝拂窗塵而先畫塵上學爲書字五歲高帝使學鳳尾諾一學卽工高帝大悅以玉麒麟賜之曰麒麟賞鳳尾矣工書爲當時藩王所推南郡王昭業亦稱工書謂武帝曰臣書固應勝江夏王武帝答蘭黎第一法身第

二法身昭業小名閻黎鋒小名也唐陸龜蒙說鳳尾
諸爲何等物圖耶書耶對曰余之所聞自晉說於梁
陳以來藩邸之書也凡封子弟爲王則開府辟僚屬
取當時士有學行才藻者中是選其所下書東宮則
日令上書則日廢諸王下書則日教上書則日啟應
和文章則日應令應教下其制可也鳳尾則所諾
日諾猶漢天子官臣下之奏日可也鳳尾則所諾
之文也繙繙然繙然然織與繪莫的知既官其行必
有褒異才令通習外事常使批鳳尾諾南齊江夏王
高帝第十二子甚憐之年五歲使學鳳尾諾下筆便
工帝大悅以玉麒麟麟賜之餘未見其出

竟陵文宣王子良字雲英武帝第二子也少有清尚
禮才好士善行書書賦云子良則良知未善心遠蹟
邇家風若遺古則翻鄙雖有力而無體將從真而自
美猶士階茅茨儉德之始

書小史卷二

梁邵陵攜王綸字世調武帝第六子也少穎悟博學
善屬文能書尤工尺牘隸書更變古法甚有趣媚書
賦云世調則氣吞元常若置度內方之惠達肅旨趣
猶昧擅時譽而徒高考遺蹤而罕逮

陳始興王伯茂字鬱之文帝第二子也性聰明好學
謙恭下士世祖深愛重之時征北人於丹徒盜發晉
郗曇墓大獲晉右將軍王羲之書及諸名賢遺蹟事
覺其書並沒官藏於祕府文帝以伯茂好古多以賜
之由是伯茂大工草隸甚得右軍法

廬陵王伯仁字壽之文帝第八子官至光祿大夫中
武將軍善草書

武陵王伯禮字用之文帝第十子陳亡入隋爲臨洮太守善行書

永陽王伯智字策之文帝第十二子少敦厚有器局博涉經史善行書陳亡入隋大業中爲國子司業

桂陽王伯茂字深之文帝第十三子位至散騎常侍善行書書賦云高疏壯浪復觀伯謀如策馬馳逐葦

航泛浮

新蔡王叔齊字子肅宣帝第十一子也風采明瞻博

涉經史善屬文能正書陳亡入隋爲尚書主客郎

北齊彭城景思王洸字子深神武第五子也元象二年拜通直散騎常侍封長樂郡公博士韓毅教洸書

書小史卷二

八

見洸筆迹未工戲洸曰五郎書畫如此忽爲常侍開國今日後更宜用心洸正色答曰昔甘羅爲秦相未聞能書凡人惟論才具何如豈必勤勤筆迹博士當今能者何爲不作三公洸時年蓋入歲矣毅甚慚

唐魯哀王智雲初名稚詮高祖子善射工書弈

漢王元昌高祖第七子少好學能書畫尤長正行書

諸王仲季兼有能名韓王曹王卽其亞也曹則妙於飛白韓則工於草行李嗣真云漢王作獻之氣勢或

如舞劍往無鄰幾書賦云漢王童年自得書意風承

羲獻守法不二

韓王元嘉高祖第十一子少好學聚書至萬卷又採

碑文古跡多得異本參定同異尤善書畫

魯王靈夔高祖第十九子篤學善草隸通音律

曹王明太宗之子特善飛白不減其父

岐王隆範睿宗子追冊惠文太子範好學工書愛儒士無貴賤為盡禮又聚書畫皆世所珍者初隋亡禁內圖書堙沒唐興募訪稍稍復出藏於祕府長安初張易之奏令善工整治乃密使摹肖殆不可辨竊其真本藏于家既誅悉為薛稷取去稷又敗範得之初不聞奏後慮焉乃盡焚之書賦云惠文靡倦博學敦勸恨夫有始無終灰燼成空苟懼存而投閣徒榮沒而昇宮尙可謂梁園筆壯樂府文雄累聖重光之盛

※

九

業六書一藝之精工

書小史卷第二精悉

士無貴賤為盡禮

曹王明太宗之子特善飛白不減其父

魯王靈夔高祖第十九子篤學善草隸通音律

碑文古跡多得異本參定同異尤善書畫

書小史卷第三

賈文之獻其書至漢

錢塘陳

思

纂次

傳二三代 秦

倉頡黃帝時史官也首有四目通於神明仰觀奎星
圖曲之勢俯察龜文鳥迹之象博採眾美合而為字
是曰古文孝經援神契曰奎主文章倉頡放象是也
皇甫謐曰黃帝史倉頡造文字記言行策藏之名曰
書契

仙人務光湯之師也湯以天下讓務光辭往清冷之
陂植薤而食清風時至見其積葉交偃象而為倒薤
篆以寫紫經三卷玉惜文字志云垂支濃直若薤葉

篆

一

也或云出扶風曹喜

周史佚文王時太史也尤善為奇字文王之時周家
忠厚仁及草木有虎不害名曰騶虞白質立章馴于
靈囿騶虞義獸也不踐生草仁之至也於是佚軌則
前皇錯綜其體而為虎書

史籀周宣王時為史官善書師模倉頡古文始籀以
為聖迹湮滅失其真本今所傳者纔髣髴而已故損
益而廣之或同或異謂之為篆篆者傳也傳其物理
施之無窮亦曰史書加之鈛利鉤殺自然機發信為
質文之權輿非至精孰與於此今妙迹雖絕於世考
其遺法肅若神明又作籀文其狀雅正體則石鼓文

存焉矣所謂楷隸曾高字書淵藪故使小學者漁獵其中矣書賦云籀之狀也若生動而神憑通自然而無涯遠則虹紳結絡邇則瓊樹離披

孔子名丘字仲尼魯襄公二十二年生六經之文皆孔子手書遭秦焚燼後世不復見至漢魯共王壞孔子舊宅得古文論語皆科斗文字蓋孔子門人所錄也今傳於世者惟比干墓銅盤吳延陵季子墓碑存焉碑凡十字與古文字異而迹類大篆唐開元中明皇以延陵碑字湮泐敕翰林書人殷仲容修正厥迹由是世得傳之

大曆十四年潤州牧蕭定得其墓本
文記復立丹陽縣季子廟

書小史卷三

二

司馬子韋宋太史也景公時熒惑失度公懼修德熒惑退舍於是子韋作轉宿書象蓮花未開形

秦李斯楚上蔡人少從荀卿學帝王術西入秦爲丞相呂不韋舍人不韋賢之任爲郎因得說秦王王說之聽用其計竟并天下位至丞相斯妙篆始省改之以爲小篆著蒼頡七篇畫如鐵石字若飛動作楷隸之祖爲不易之法其銘題鐘鼎及作符印至今用焉今泰山釋山秦望山等碑皆斯遺迹斯雖草創遂造其極矣書賦云斯之法也馳妙思而變古立後學之宗祖如殘雪滴溜映朱檻而垂冰蔓木含芳貫綠枝

以直繩

趙高仕秦爲中車府令善史書教始皇少子胡亥書及獄律法令取史籀大篆或頗省改爲小篆作爰歷篇六章立於太學

胡毋敬本櫟陽獄吏爲太史令博識古今文字亦與程邈李斯省改大篆著博學篇七章並能覃思舊章稽合眾訓

程邈字元岑下邳人始爲衙縣獄吏得罪始皇幽繫雲陽獄中覃思十年變大篆益小篆方圓而爲隸書三十字奏上始皇善之出爲御史衛恒曰秦旣用篆奏事繁多篆字難成卽令隸人佐書故曰隸書漢因行之甄鄴定六書四曰佐書是也秦造隸書以赴急速惟官司刑獄用之餘尙用篆焉

羽人王次仲上谷人少有異志少年入學屢有靈奇年未弱冠變倉頡書爲今隸書始皇時官務繁多得次仲文簡略赴急速之用甚喜遣使命召之三徵不至始皇大怒制檻車送之於道化爲大鳥出在檻外翻然長引至於西山落二翻於山上今爲大翻小翻山山上有祠水旱祈焉

漢蕭何沛人善篆籀何作未央宮制度弘壯覃思三月以題其額觀者如流何便秃筆書時謂之蕭籀爲八體有署書亦何所定題蒼龍白虎二闕
司馬相如字長卿成都人善詞賦工筆札辨六律測

尋二氣文帝時令長卿采日辰之禽屈伸其體升伏其勢象四時之氣爲氣候時書王融云後漢東陽公徐安于搜諸史籍得十二時書皆像神形也

董仲舒廣川人武帝時言災異作草藁未上顏師古曰所作起草爲藁也主父偃竊而奏之

嚴延年字次卿東海下邳人官至河南太守雅工史書規模於趙高時稱其妙史游元帝時官至黃門令善草書王愔云漢元帝時史游作急就章解散隸體麤書之漢俗簡墮漸以行之是也此乃存字之梗槩損隸之規矩縱任奔逸赴速急就因草創之義謂之草書唯君長告令用之臣下則不許卽今章草是也

書小史卷三

四

王尊字子贛音貢涿郡高陽人官至東郡太守竊問學能史書卽籀書奇字也

張敞字子高河東平陽人官至京兆尹善古文傳之子吉吉傳其出杜鄴傳子林吉子疏字伯松王莽時至郡守封侯博學文雅過于子高自三代以來古文之學蓋絕于高精勤習之其後有杜林衛宏爲之嗣焉

陳遵字孟公京兆杜陵人哀帝時爲河南太守善隸書與人尺牘主皆藏之以爲榮杜鄴字子夏魏郡繁陽人官至涼州刺史少孤其母

張敞女鄴壯從敞子吉學問得其家書初鄴從張吉

學吉子疏又幼孤從鄴學問亦著於世尤長小學師

古曰小學謂文字之學也周禮入歲以小學保氏教國子以六書故因名云鄴

李長成帝時爲將作大匠善古文作元尚篇皆倉頡

中正字自題鄴

楊雄字子雲成都人雄博學多識奇字劉芬侯芭皆

從學雄以爲史篇莫善於蒼頡作訓纂始李斯作蒼

頡篇趙高作爰歷篇胡毋敬作博學篇漢興閭里書

師合之總謂之蒼頡篇斷六十字爲一章凡五十五

章至平帝元始中召天下通小學者以百數各令記

字於未央庭中雄取其有用者作蒼頡訓纂篇三十

書小史卷三

四章以續蒼頡重復之字天鳳五年卒

爰禮沛人善古文孝平時召禮等百餘人說文字於

未央庭中以禮爲小學元士

後漢杜林字伯山扶風茂陵人涼州刺史鄴之子歷

位大司空有雅材尤工古文過於鄴也故世言小學

由杜公嘗於西河得漆書古文尙書一卷寶玩無已

每困厄自以爲不能濟於亂世嘗抱經歎曰古文之

學將絕於此初衛宏長於古學方造林未見則暗然

而伏及會面林以漆書示宏曰常以此道將絕於此

何意東海衛君復能傳之是道不墜於地矣光武建

武中卒

衛宏字敬仲東海人官至給事中修古學善屬文作
尚書訓指師於杜陵後之學古文者皆祖於杜林衛
宏也字師東漢杜陵人章帝初徵宏爲尚書郎
曹喜字仲則扶風平陵人工篆隸明帝建初中爲祕
書郎善草懸鉞垂露之法後世行之衛恒云曹喜善
篆小異於李斯邯鄲淳師焉略究其妙韋誕師淳而
不及也曰曹喜獻言欲廢大盪也此一百四十五章
班固字孟堅扶風安陵人官至中郎將九歲能屬文
好古工篆李斯曹喜之法悉能究之昔李斯作蒼頡
篇趙高作爰歷篇胡毋敬作博學篇漢興閭里書師
合之總謂蒼頡篇斷六十字爲一章凡五十五章至
平帝元始中徵天下通小學者於未央庭中楊雄取
其有用者作訓纂篇三十四章以訓纂續蒼頡也孟
堅乃復續十三章至和帝永初中賈魴又撰異字取
孟堅所續而廣之爲三十四章用訓纂之末字以爲
篇目故曰滂喜篇言滂沲大盛也凡一百二十三章
文字備矣李康撰滂喜篇補遺其缺

賈逵字景伯扶風平陵人善書明帝時爲郎與班固
並校祕書撰諸經解學者宗之和帝時爲中書郎
杜度字伯度京兆杜陵人章帝時爲齊相善草草雖
史游始作草書傳不紀其能又光武朝劉睦善草書
史皆絕其迹創其神妙其惟杜公韋誕云杜氏傑有

骨力而字畫微瘦若霜林無葉瀑水迸飛崔氏法之
書體甚濃結字工巧時有不及張芝喜而學焉轉精
其巧可謂草聖超前絕後獨步無雙張芝自謂上比
崔杜不足下方羅趙有餘蕭子良云伯度本名操爲
魏武帝諱改爲度庾肩吾云杜度濫觴於草書取奇
於漢帝詔後奏事皆作草書書賦云草分章體肇起
伯度時君重而有名自我行而作故掣波循利創質
畜怒

書小史卷三

七

徐幹字伯張扶風平陵人官至班超軍司馬邊境稱
爲名將善章草書班固與超書稱之曰因得伯張書
藁筆勢殊工知識讀之莫不歎息實亦藝由已立名
自入成者也後有蘇班亦平陵人五歲能書甚爲伯
張稱歎

許愼字叔重汝南召陵人官至太尉南閣祭酒少好
古學師於賈逵喜正文字尤善小篆規模李斯甚得
其妙作說文解字十四篇萬五百餘字愼後病篤令
子冲詣闕上之安帝末卒

崔瑗字子玉安平人官至濟北相文章盡世善小篆
章草始於杜度媚趣過之點畫精微神變奪濳利金

百練美玉天姿可謂冰寒於水袁昂云崔瑗書如危
峯阻日孤松一枝王隱謂之草賢庾肩吾云崔瑗擅
名北中迹罕南度世有得其摹者王子敬見之稱美
以爲張伯英極似之然伯英祖述於崔其骨力精熟
則過也其遺迹絕少小篆則有張平子碑在焉瑗以
順帝漢安二年卒

崔寔字子真瑗之子也博學有俊才桓帝時官至五
原太守常與諸博士正定五經子真母劉氏博通墳
籍動見儀則非惟寔天性才敏亦由訓導之功其草
雅有父風張茂先甚稱之

羅暉字叔景京兆杜陵人少修名節爲功曹上計吏

書小史卷三

八

轉羽林監善草書著聞三輔張伯英與同郡太僕朱
賜書云上比崔杜不足下方羅趙有餘賜亦杜陵人
時稱工書

趙襲字元嗣京兆長安人官至愷煌太守與羅暉並
以能草見重關西矜巧自與眾頗惑之張伯英素相

友善靈帝時卒

劉德昇字君嗣潁川人相靈之時以造行書擅名雖
以草創亦豐贍妍美風流婉約獨步當時胡昭鍾繇
並師其法世謂鍾善行押書是也而胡書體肥鍾書
體瘦並各有德昇之美也

蔡邕字伯喈陳留圉人官至左中郎將封高陽侯博

平中卒李嗣真云仲英章草似春虹飲澗落霞浮浦
又似渥霧沾濡繁霜搖落

張昶字文舒伯英季弟也爲黃門侍郎善八分隸書
章草家風不墜奕葉清華書類伯英時人謂之亞聖
雖筋骨不及而妍華繼之八分碑今在華陰建安十
一年卒李嗣真云文舒西嶽碑文但覺妍冶殊無骨
氣入衣衣音韻山之文史明東井之美皆也

毛弘字文雅河南陽武人工書服膺梁鵠研精八分
成一家法獻帝時爲郎中教於祕書八分皆傳弘法
以建安末卒弘字文雅河南陽武人工書服膺梁鵠研精八分

左伯字于邕東萊人特工八分名與毛弘等列小異
於邯鄲淳亦擅名漢末又能作紙漢興以紙代簡至
和帝時蔡倫工爲之而于邕尤得其妙故蕭子良答
王僧虔書云于邕之紙妍妙輝光仲將之墨一點如
漆伯英之筆窮神盡思妙物遠矣邈不可追然于邕
之八分亦有恒山之文皮卽東北之美者也

書小史卷三

十

張超字子並河間鄴人留侯之後有文才官至別部
司馬工章草擅名一時字勢甚峻吳人以皇象方之
范曄云超之草書妙絕時人史筆稱載遂得宣聲後
葉庾肩吾云子並崔家州里頗相效法可謂醬醎於
鹽冰寒於水蕭子良答王僧虔書云于邕之紙妍妙輝光仲將之墨一點如漆伯英之筆窮神盡思妙物遠矣邈不可追然于邕之八分亦有恒山之文皮卽東北之美者也

姜詡梁宣田彥和皆伯英弟子並善草書

孫敬字文寶家貧好學少時嘗畫地爲書遂工篆隸
博奕善隸札家貧備書後有金帛洛陽咸稱善書而
得富也

唐綜魯人當漢魏之交夢蛇繞身寤而狀之而爲蛇
書

書小史卷第三

※

二



書小史卷第三

張超字子祖河間人初吳之後有文才官至別

黃馬王章章適名一時字夢基較吳人以皇象方之

由緣營人當效贖之交藥典錄其辭而想之而爲神

得富也

新漢善隸其寒貧備書發育金帛各別佩善書而

滋勉學文資家貧發學交湖嘗畫地爲書後工篆隸

書小史卷第四

錢塘陳思纂次

魏吳

魏梁鵠字孟皇安定烏氏人舉孝廉為郎少好書受

學於師宜官以善八分知名靈帝重之亦在鴻都門

下遷幽州刺史魏武甚愛其書嘗懸帳中又以釘壁

以為勝宜官也庾肩吾云孟皇功盡筆力字入帳中

時邯鄲淳亦得次仲法淳宜為小字鵠宜為大字不

如鵠之用筆盡其勢也黃初中更修夫子廟陳思王

為文鵠八分書之入妙

胡昭字孔明潁川人少而博學老而彌篤有夷皓之

節甚能史書真行又妙衛恒云昭與鍾繇並師於劉

德昇俱善行草而胡肥鍾瘦尺牘之迹動見模楷羊

欣云胡得張芝骨索靖得其肉韋誕得其筋張華云

胡昭善隸書華與荀勗共整理記籍又立書博士置

弟子教習以鍾胡為法可謂宿士矣嘉平二年卒

邯鄲淳字子淑潁川昆陽人官至給事中志行清潔

才學通敏書則八體悉工師於曹喜尤精古文大篆

八分隸書自杜林衛宏以來古文泯絕由淳復著大

祖甚彰異之淳博開古藝特善蒼雅許氏字指八體

六書精究其理有名於時以書教諸皇子正始中又

書古文篆隸二字石經於漢碑之西其文蔚煥三體

復宣校之說文篆隸大同而古文小異衛恒云魏初傳古文者出於邯鄲淳蔡邕採斯喜之法爲古今雜形然精密閒理不如淳也梁鵠云淳得次仲法章誕師淳而不及也袁昂云邯鄲淳書應規入矩方圓乃成書即自煎膏變如棗坐裁其丹齋斷不取

章誕字仲將京兆人官至侍中伏膺於張芝兼邯鄲淳之法諸書並善尤精題畧明帝時凌雲臺初成誤先釘榜而未題以籠盛誕轆轤長繩引之使就榜書之誕甚危懼乃誠子孫絕此楷法著之家令初青龍中洛陽許鄴三都宮觀始就詔令仲將大爲題畧以爲永制以御給筆墨皆不任用因奏云蔡邕自矜能

書小史卷四

二

書兼斯喜之法非流紈綺素不妄下筆夫工欲善其事必先利其器若用張芝筆左伯紙及臣墨兼此三具又得臣手然後可以逞徑丈之勢方寸千言然草迹之妙亞乎索靖梁武帝評云章誕書如龍威虎振劍拔弩張書賦云魏之仲將奮藻獨步或迸泉湧溢或錯玉班賦蹟遺情忘契入神悟然而負才藝履危懼膏明自煎鬢髮改素生非其代痛惜不遇

章康字元將誕之兄亦工書章書懸賊人戟或圓或章熊字少章誕之子善書時人云名父之子克有工事世所美焉張華云京兆章誕子熊潁川鍾繇子會並善隸書續文苑珠林大同書古文小異

鍾繇字元常潁川長社人才思通敏舉孝廉爲郎歷
官侍中尙書僕射封東武亭侯魏國初建遷相國明
帝卽位遷太傅有脚疾乘輿上殿尤善書師曹喜蔡
邕劉德昇張懷瓘云真書絕妙乃過於師剛柔備焉
點畫之間多有異趣可謂幽深無際古雅有餘秦漢
以來一人而已雖古之善政遺愛結於人心未足多
也梁武帝云鍾繇書如雲鵠游天羣鳧戲海行間茂
密實亦難過庾肩吾云鍾繇書天然第一王夫次之
妙盡許昌之碑受禪碑也今在許昌窮極艱下之牘賀魏武破關羽表也
虞世南云鍾繇師資德昇馳騫曹蔡做學而致一體
真楷獨得其妍

書小史卷四

鍾會字士季繇之子官至司徒善書有父風稍備筋
骨兼美行草尤工隸書美姿獨秀逸致飄然有凌雲
之志亦所謂劍則干將莫耶焉會嘗詐爲荀勗書就
勗母鍾夫人取寶劍會兄弟以千萬造宅未移居勗
乃潛畫繇形象於壁會兄弟入見感慟便廢宅勗書
亦會之比也庾肩吾云士季之範元常猶子敬之稟
逸少而工拙兼効真草皆成書賦云觀士季之軌轍
審鍾家之超越將遺古而偕能與象賢而蹈拙如後
生之可畏實氣蓋於前哲與士季善書神曹喜蔡
衛凱字伯儒河東安邑人官至侍中少夙成以才學
稱尤工古文篆隸草體傷瘦筆迹妙絕衛恒書勢云

皆別休明章草雖相眾而形一萬字皆同各造其極
入分雄逸力乃均於蔡邕而婉冶不逮通議傷於多
肉矣書賦云廣陵休明朴質古情難以窮真非可學
成似龍螭螫啟伸盤復行言也似徐字此似徐字此
張紘字子綱廣陵人喜文章善篆書官至侍御史嘗
與孔融書自篆融遺子綱書云前勞手筆多爲篆書
每舉篇見字欣然獨笑如復覩其人然融之此言不
易而得也紘之小篆頗有聲譽

張昭字子布彭城人容貌矜嚴有威風爲孫權軍師
少好學善隸書

處士張宏字敬禮吳郡人篤學不仕嘗著烏巾時號

書小史卷四

五

張烏巾善篆隸其於飛白絕妙當時飄若遊雲激若
驚電飛仙舞鶴之態蓋有類焉自作飛白敘勢備其
美也歐陽詢曰飛白張烏巾冠世其後逸少子敬亦
稱妙絕

賀劭字興伯吳興人官至太子太傅善章草書書賦
云賀氏興伯同時其體瘠而不疏逸而寡禮等殊皇

賀品類兄弟

賀劭字興伯吳興人官至太子太傅善章草書書賦

朱育山陰人會稽典錄云育少好奇字凡所特達者
依體像類造作異字千名以上育後仕朝常在臺閣
爲東觀令遙拜清河太守加位侍中推刺占射文藝

多通

多通

蜀諸葛亮字孔明瑯琊陽都人位至丞相其篆隸入
分今法帖中有玄莫大寂混合陰陽字殊工
諸葛瞻字思遠亮之子也官至侍中僕射軍師將軍
強識念善書畫
晉何曾字穎考陳郡陽夏人魏明帝時爲黃門郎晉
武帝卽位官至太保乘輿上殿曾博聞好學工於藁
草甚有古質乏於風味亦猶人則抱素木卽對冰亦
爲時所珍
荀勗字公曾潁川人在魏爲大將軍掾入晉位至尙
書令多材藝善書畫鍾會嘗詐作勗書取寶劍勗書
亦會之比也

書小史卷四

六

楊肇字季初滎陽宛陵人官至折衝將軍荊州刺史
工於草隸咸寧元年卒潘岳諫曰草隸兼善尺牘必
珍足無輟行手不釋文翰動若飛紙落如雲亦猶甘
茂不能自通借餘光於蘇代安仁之諫抑不其然書
賦云季初則隱姓名展纖勁寫搨共傳賞能之盛猶
踞牙鉤爪超越陷筭

嵇康字叔夜譙國銍人官至中散大夫奇才不羣美
詞氣有風儀雖土木形骸不自藻飾人以爲龍章鳳
姿善書妙於草製觀其體勢得之自然意不在乎筆
墨若高逸之士雖在布衣有傲然之色故如臨不測
之淵使人神清登萬仞之巖自然意遠所與神交者

惟王戎山濤等爲竹林七賢唐人評云嵇康書如抱
琴半醉詠物緩行又若獨鶴歸林羣鳥乍散書賦云
叔夜才高心在幽墳允文允武令望令聞精光照人
氣格凌雲力舉巨石芳逾眾芬王戎善彈琵琶
阮籍字嗣宗陳留尉氏人官至步兵校尉博覽羣籍
尤好莊老嗜酒能嘯善彈琴工行草書王戎善彈琵琶
阮咸字仲容官至散騎侍郎與叔父籍爲竹林之遊
妙解音律善彈琵琶工行草書王戎善彈琵琶
王戎字濬仲瑯琊臨沂人官至侍中幼穎悟神彩秀
朗善隸行書

山濤字巨源河內懷人武帝時爲侍中司徒有器量

書小史卷四

七

善正行書書賦云巨源正書朴略仍餘染翰忘筌寄
情得魚若拔賢草澤匿銳茅廬

劉伶字伯倫沛國人官至建威參軍善行草書

向秀字子期河內懷人官至散騎常侍清悟有遠識

雅好莊老之學善行書見七賢帖

衛瓘字伯玉河東安邑人魏侍中覬之子仕魏爲尚

書郎入晉爲尚書令明識清允尤善諸書引索靖爲

尚書郎號一臺二妙時議謂伯玉放手流便過索而

法則不如之嘗云我得伯英之筋恒得其骨索靖得

其肉伯玉探張芝之法取父書參之遂至神妙天姿特

秀若鴻鵠奮翼飄飄乎清風之上率情運用不以爲

艱章草入妙品

衛恒字巨山瓘之仲子官至太子黃門侍郎善古文草隸章草其古文過於父祖體含風雅調合絲桐探異鉤深悠然獨往博採古今文字得汲冢古文論楚事者最妙恒嘗翫之作四體書勢并造散隸書弟宣善篆及草名亞父兄宣弟庭亦工書恒子璩玠俱有書名家風四世不墜

索靖字幼安炳煌龍勒人漢張伯英之離孫官至征西司馬少有出羣之量才藝絕人善章草及草書出於章誕峻險過之有若山形中裂水勢懸流雪嶺孤松冰河危石其堅勁則古今不迨或云楷法過於衛

書小史卷四

八

瓘甚矜其書名其字曰銀鉤蠆尾武帝愛之王隱云索靖草書絕世學者宗之時論云精熟至極索不及張妙有餘姿張不及索袁昂云索靖書如遊颺忽舉鷲鳥乍飛又善八分亦章鍾之亞也

羊祐字叔子泰山南城人漢蔡邕外孫博學能屬文善書仕魏歷中書黃門侍郎武帝受禪以佐命功封鉅平郡公

張華字茂先范陽人官至司空壯武公博涉羣書盈於萬卷高才達識天文術數無所不精善章草書體勢尤古
傳立字休奕北地泥陽人官至司隸校尉少孤貧博

學善屬文尤精篆隸得鍾胡之法見重當時唐人評云傳立書如項羽投戈荆軻執戟

王允字信之官至衛將軍善草隸又張嘉善隸書年欣云嘉師於鍾氏勝王羲之在臨川時也又皇甫定年七歲善史書從兄謚深奇之

樂廣字彥輔南陽滎陽人累遷侍中河南尹有遠識喜談論善草書

呂忱字伯雍任城人官至善陽王典祠令善書博識古今文字撰字林五篇萬二千八百餘字表上之字林則說文之流小篆亦許慎之亞也

杜預字元凱京兆杜陵人漢齊相杜度卽六世之祖

書小史卷四

九

也祖畿魏尙書僕射父恕幽州刺史並善行草書預博學通敏尙文帝妹官至鎮南將軍特進當陽侯父祖三世善章草書時人以衛瓘方之謂之杜衛二氏焉

左思字太冲齊國臨淄人家世儒學少習鍾胡書及鼓琴遂善隸書

陸機字士衡吳郡人官至後將軍少有異才善行書吳亡與弟雲俱入洛王僧虔云陸機吳士書也無以核其多少

陸雲字士龍機之弟官至大將軍司馬善行草隸

張越字仲治煬煌人官至太子舍人梁郡刺史善草

書

張翰字季鷹吳郡人有清才善屬文工草書官至齊王問大司馬覩天下方亂因秋風起思吳中菰葉蓴菜鱸魚遂命駕而歸人謂之見機書賦云季鷹有聲古貌磅礴雖無名驗攀附張索如凝陰斷雲垂翅一鶚

成公綏字子安東郡白馬人累遷中書侍郎博涉經傳有俊才善隸書作隸書體一篇行於世
蔡克字子尼陳留考城人官至成都王掾工草書書賦云子尼簡約片月孤峯千歲之下森森古容
劉琨字越石中山人官至太尉善行書書賦云越石

書小史卷四

十

偉度秣稊翰墨如不佞樹而愛人示間鼎而在德
盧諶字子諒范陽涿人爲劉琨司空從事中郎琨敗爲石季龍所得爲侍中中書監善正書并草與崔悅齊名諶法鍾繇悅法衛瓘而俱習索靖之草皆盡其妙子偃孫邈並有書名

辛謚字叔重隴西狄道人少有志尚博學善屬文工草隸書爲時楷法召拜太子舍人諸王文學累徵不起永嘉末長安陷沒于劉聰
江瓊字孟珺仕晉爲馮翊太守善蟲篆訓詁受學於衛覬永嘉亂棄官西投張軌子孫因居涼土世傳家

業


偽趙劉聰字玄明元海之子幼聰慧好學善屬文工草隸

劉曜字永明元海族子幼聰慧善屬文工草隸

書小史卷第四

十一

十一



晉小史卷第四
西次道人少有志向博學善屬文工
草隸
隱顯字派明元善隸字幼聰慧善屬文工草隸
草隸
隱顯字派明元善隸字幼聰慧善屬文工草隸
草隸

書小史卷第五

錢塘陳思纂次

傳四

東晉王導字茂弘瑯琊臨沂人官至丞相謚曰文獻
公少有風鑒識量清遠善草隸元明二帝並工書者
推獎於茂弘王僧虔云導書甚有楷法師學鍾衛好
愛無厭喪亂狼狽猶懷鍾尚書宣示帖衣帶過江後
在右軍處借王敬仁敬仁死其母見脩平生所愛遂
以入棺王愔云王導行草見貴當世書賦云業盛琅
琊茂弘厥初眾能之一乃草其書將以潤色前範遺
芳後車風稜載蓄高利有餘類賈勇之武士等相驚

之戲魚

灑

王恬字敬豫導之子官至後將軍會稽內史性簡傲
多技藝弈碁為中興第一草隸當時無與為此尤長
於臨效率性而運則復非工時有張翼善隸書尤善
倣倣而劣於敬豫也
王洽字敬和恬之弟官至中書令理識明敏書兼諸
法於草尤工落簡揮毫有郢匠成風之勢雖卓然孤
秀未至運用無方從兄右軍云弟書遂不減百衛之
過也王僧虔云洽與右軍書俱變古形不爾至今猶

法鍾張

錢穀刺

思

纂次

王劭字敬倫洽之弟官至車騎將軍善草書

王蒼字敬文導幼子官至散騎常侍善行書

王廙字世將瑯琊臨沂人官至平南將軍荊州刺史
工草隸飛白祖述張衛遺法亦好索靖之風嘗得索
七月二十六日書一紙每寶玩之遭喪亂乃四疊綴
於衣中以過江王僧虔云王平南廙是右軍叔自過
江東右軍之前惟廙爲最畫爲晉明帝師書爲右軍
法其飛白志氣極古垂鵬鶚之翅羽類旌旗之卷舒
時人云王廙飛白右軍之亞也

劉超字世踰瑯琊臨沂人官至衛尉零陵忠侯善正
書超筆蹟與元帝相類自職居近密遂絕其與外交
書書賦云體大法殊實推世瑜稟天然而自強亂帝

書小史卷五

二

札而見拘猶朝廷宿舊年德相趨

陶侃字士衡秣陵人官至侍中大將軍事元明二帝
性聰敏善正書遠近書疏莫不手答筆翰如流書賦
云雍容士衡季孟公旅肌骨閒媚精神慢舉如辭山
登朝混迹雜處

顧榮字彥先吳郡人官至驃騎將軍善草書書賦云

彥先尙質無而不有猶崆峒之士世俗誰偶

紀瞻字思遠丹陽秣陵人官至車騎將軍好讀書手

自鈔寫妙解音律善行書

卞壺字望之濟陰宛句人官至侍中驃騎大將軍善
草書書賦云望之之草緊古而老落紙筋榮分行羽

抱如充初多士交連雜寶

應詹字思遠汝南南頓人官至鎮南大將軍幼孝以學藝文章稱善草書書賦云思遠則藁草懸解筆墨無在真率天然忘情罕逮猶羣雀之飛廣廈小魚之戲大海

熊遠字孝文豫章人官至大將軍長史善正書書賦云孝文剛斷謹正援毫古雖拙利今稱且高如貴胄之躍駿武賁之操刀

郗鑒字道徽高平金鄉人位至太宰草書卓絕古而且勁書賦云道徽之豐茂宏麗下筆而剛決不滯揮翰墨而厚實深沉等漁父之乘流鼓枻

書小史卷五

三

郗愔字方回鑒之子官至司空善眾書張懷瓘云雖齊名庾翼不可同年其法遵於衛氏尤長於章草濃纖得衷意態無窮筋骨亦贍若鴻鵠奮六翮飄然遊乎太虛王僧虔云郗愔章草亞於右軍梁武帝云郗愔書得意甚熟而取妙特難疏散風氣一無雅素郗曇字重熙愔之弟官至北中郎將善草書書賦云密壯其姿撫蹟重熙若投石拔距怒目揚眉

郗超字景興愔之子官至中書郎臨海太守善行草書王僧虔云郗超草書亞於二王緊媚過於其父骨力不及也書賦云景興當年曷云世乏正草輕利脫

略古法

郝儉之字處約曇之子官至太子率更令善草書

郝恢字道肩儉之之弟官至鎮軍將軍善正行書書

賦云處約道肩家之後俊狂草勢而兄優謹正書而

弟濶俱始登於學次慚一虧於九仞古軍書云

庾亮字元規潁川鄴陵人明穆皇后之兄官至太尉

美姿容善談論工行草書王僧虔云庾亮書亦能人

錄

庾懌字叔豫亮之弟官至衛尉將軍善正行書書賦

云遺古效鍾叔豫高蹤雖隱密而傷浮淺猶葉公之

愛畫龍

庾永字季堅亮之弟官至中書監以雅素垂風兄亮

書小史卷五

常以為庾氏之寶善書

庾翼字稚恭明穆皇后之弟官至車騎將軍荊州刺

史善草隸章草少與羲之齊名殊為世重兄亮亦有

書名曾就右軍求書逸少答云稚恭在彼豈復假此

王僧虔云庾翼書少時與右軍齊名右軍後進內外

宗尚翼猶不忿在荊州與都下書云小兒輩乃賤家

雞而愛野雉皆學逸少書須吾還當比之右軍嘗以

章草答亮亮以示翼翼乃大服因與右軍書云吾昔

有伯英章草十紙因喪亂遺失嘗歎妙迹永絕今見

足下答家兄書煥若神明頓還舊觀書賦云積薪之

美更覽稚恭名齊逸少墨妙所宗善草則鷹搏隼擊

工正則劔鏑刀鋒愧時譽之未盡覺知音而罕逢
庾推字彥祖亮之孫官至豫州刺史西中郎將善草
書書賦云荒蕪快利彥祖爲容似較狡兔於大野任
平陂之所從會蘇人官至將軍常侍善正草書
范汪字玄平順陽人官至安北將軍贈散騎常侍善
正書有謝瓜啟傳於世書賦云順陽筆精吾見玄平
近瞻元常鍾繇俯視國明張澄利且掩薄能多似生如班
輸之運斧乏棟梁以經營大司農善行書

書小史卷五

劉惔字眞長沛郡人官至丹陽尹善行草書書賦云
眞長則草含稚翼荼翼之厚爽正邇越石琨之羈束輕
浮森峭穠媚藻縟落眾木於秋杪狎羣鷗於水曲云
孔偁字敬思會稽人官至大司農善行書

孔愉字敬康會稽人官至車騎將軍善草書書賦云
敬思敬康二孔殊芳思行則輕利峭峻類驚虬逸駿
康草則古質鬱紆如落翮摧枯張顯顯常常善
丁潭字世康會稽人官至散騎常侍善正草書書賦
云若夫返古不忘吾推世康似無逸少如稟元常猶

落太階之莫莢接祕府之芸芳陳史西中郎善草
劉厥字季舒會稽人官至光祿大夫工書書賦云季

舒織勁循古有禮遇稀難評惟署一啟

謝尚字仁祖陳郡陽夏人官至散騎常侍博綜眾藝善草書書賦云謝氏三昆尚草特峻猶注飛澗之瀑溜投全牛之虛刃

謝安字安石尚之從弟位至太傅和粹通敏姿容溫雅人皆比之王導謂文雅過之學草正於右軍右軍云卿是解書者然知解書爲難張懷瓘云安石尤善行書亦猶衛洗馬風流名士海內所瞻王僧虔云謝安亦入能流殊亦自重乃爲子敬書嵇中散詩得子敬書有時裂作校紙書譜云謝安素善尺牘而輕子敬之書子敬嘗作佳書與之謂必存錄安輒題後答

之甚以爲恨

書小史卷五

六

謝奕字無奕安之兄官至安西將軍善行書書賦云達士逸蹟乃推無奕毫翰云爲任興所適謝萬字萬石安之弟官至散騎常侍亦工書王珣字元琳洽之子官至給事黃門侍郎善行書王珣字季珍珣之弟官至中書令工隸書及行草時謂小王之亞也自導至珣三世善書時人方之杜衛二氏王僧虔云珣筆力過於子敬書舊品云嘗書四匹素自朝操筆至暮便竟首尾如一又無誤字子敬嘗戲云弟書如騎驢駸駸恒欲度驂騮前斯可謂弓善矢良兵利馬疾穿圍破的難與爭鋒書賦云繩繩

宜爾傑出季珍露鋒芒而豁懷傍禮樂而無檢猶搏
扶搖而坐致起峻極而非險

王廙字伯輿卽導孫蒼子官至司徒左長史善行書

書賦云溫溫伯輿亦扇其風風流之表軒冕之中骨
體優正精彩冲融已高天然恨乏其功如承奕葉之

貴胄備風訓之神童

王曠羲之父也官至淮南太守善行隸書

王羲之字逸少琅琊臨沂人官至右軍將軍會稽內

史少有美譽善書爲古今之冠草隸入分飛白章行

備精諸體自成一象之法于變萬化得之神功自非

造化發靈豈能登峯造極其所措意皆自然萬象無

書小史卷五

七

以加也然剖析張公之草而纒纖折衷乃愧其精熟

損益鍾君之隸雖運用增華而古雅不逮至研精體

勢則無所不工所謂冰寒於水亦猶雅頌得所鐘鼓

云乎羲之隸行草章草飛白五體俱入神品入分入

妙有于七人獻之最知名玄之擬之徽之操之並工

草隸梁武帝評云王羲之書如龍跳天門虎臥鳳閣

故歷代寶之永以爲訓

王玄之羲之長子善草書

王凝之羲之次子官至左將軍會稽內史工草隸

王徽之字子猷凝之弟官至黃門侍郎善正草書

王操之字子重徽之弟歷侍中尙書豫章太守善正

行草書

王渙之微之弟善行草書

王獻之字子敬逸少第七子清峻有美譽尤善草隸兼妙丹青幼學父書次習於張邈後改變制度別創其法率爾師心冥合天矩至於行草與合若孤峯四絕迥出天外其峭峻不可量也子敬七八歲時學書右軍潛從後掣其筆不脫乃歎曰此兒當有大名遂書樂毅論一篇與之學後題書賜官奴竟能極小真書窮微入聖筋骨緊密不減於父故人謂之小聖官奴卽子敬小字也太元中新起太極殿謝安欲使子敬題榜以爲萬世寶而難言之乃說韋仲將題凌雲臺事子敬揣知其旨乃正色曰仲將魏之大臣寧有此事使其若此知魏德之不長安遂不之逼也子敬隸行草章草飛白五體俱入神品入分入能品或謂子敬爲小令非也子敬爲中書令太元十一年卒於官年四十三族弟珉代居之至十三年而卒年三十八故時謂子敬爲大令珉爲小令

書小兒卷五

八

王濛字仲祖太原晉陽人官至長山令哀靖皇后父也追贈光祿大夫善隸書法於鍾氏狀貌似而筋骨不備衛瓘陶侃並其亞也王僧虔云王濛書可比庾翼書賦云粵若太元之英二子間生仲祖慕元常之則懷祖

王通文獻導

導

之情方言慕而我愧比叔文

讓

而此榮習所通而不及參放之溫放而先鳴結束體

正肆力專成猶棟梁富於合抱巧匠斲而未精

王脩字敬仁濛之子官至著作郎善隸書嘗求右軍書乃寫東方朔畫像讚與之始欲窮其妙而未盡其美子敬每省脩書云咄咄逼人始王導愛鍾氏書喪亂狼狽猶衣帶盛尚書宣示帖過江後以與右軍右軍借敬仁及敬仁亡其母見此書平生所好母遂與入棺躬伸堪書亦敬仁之亞也
王述字懷祖太原人官至中書令藍田侯善草書書賦云高利迅薄連屬欹傾猶鳥避蘿而勢側泉激石而分橫

書小史卷五

王坦之字文度述之子官至侍中中書令善行書

王允之字深猷官至衛將軍會稽內史善草行書

謝藻字叔文會稽人官至中書侍郎善正書書賦云

叔文法鍾纖薄精練用筆雖巧結字未善似漸陸之

遵鴻等窺巢之乳燕

謝璠伯官至散騎常侍善草書見法帖

戴逵字安道譙郡銍人隱居不仕幼有巧慧聰悟博

學能鼓琴工書畫總角時以雞子汁澀白瓦屑作鄭

玄碑自書刻之文既奇麗書亦妙絕

戴顓字孝若逵之子隱遯有高名亦不仕隱居桐廬

父善琴書顓並傳其業

李充字弘度江夏鍾武人衛夫人之子累遷中書侍郎善楷書妙參鍾索世咸重之

李式字景則卽充從兄衛夫人之猶子官至侍中善草隸甚佳其叔母善書右軍云李式是平南之流

將軍王亦可比庾翼弟定子公府能名同式

張澄字國明吳郡人官至光祿大夫善正書王僧虔云張澄書當時亦呼有意書賦云國明勵躬鍾氏餘風壯利纖薄守雌知雄知道門之子仙路時通

張彭祖澄之子官至龍驤將軍善隸書張懷瓘云右軍每見彭祖練素尺牘輒存而玩之夷齊雖賢若仲尼不言未能遠舉亦猶彭祖附青雲之士不混於世也

書小史卷五

十

荀輿字長胤潁陰人官至國子助教工隸書章草嘗寫狸骨方一紙右軍見以爲絕倫後擬倣數十通云此乃天然功弗可及也庾肩吾云荀輿狸骨方學而難迨墨妙至此時人不稱猶伯樂之願則價增十倍然觀其意趣不先於衛夫人當是右軍中年所賞若暮齒而見應不至歎伏也

劉召字彥祖彭城人官至御史中丞累遷侍中善小篆妙工飛白雖不及張弘亦一時之冠也作飛白書勢一篇時有柳詳亦善飛白彥祖之亞也

張翼字君祖下邳人官至東海太守尤善草隸劣於

王恬時穆帝令翼寫王右軍手表帝自批後右軍殆不能別久乃悟云小人幾欲亂真書賦云君祖馳馭藝忝令譽翦正驗草而罕遺其能作偽亂真而未可爲據正企鍾而悠邈草師王而莫著

書小史卷第五



書小史卷第五

蘇謝正企鍾而悠邈草師王而莫著
藝忝令譽翦正驗草而罕遺其能作偽亂真而未可
爲據正企鍾而悠邈草師王而莫著



